

TOP-UP & WIN YOUR DREAM CAR



147 Customer Care Call 345 4789 or www.telikompng.com.pg

Worth of **K25,000** every month

*Check internet Posters for more details



SURFIM INTANET LONG BIKNAIT LONG

11 TOEA TASOL

Mi save lukim di video na daunlodim ol foto long nait taim long 11 toea tasol long wanpele MB wantaim Digicel.



Wara slait pulim planti

PULAP LONG TRAIM: Nupela ples bilong wel na go insait long solwara long Ela nambis long Mosbi bin pulap tru long wiken. Gavana bilong Nesenel Kapitel Distrik (NCD), Powes Parkop, bin opim long wiken i go pinis, na bihain tasol long em i opim dispela ples i bin pulap long ol pikinini long traim dispela nupela samting we em i namba wan taim Mosbi na PNG gat long amamas long en.

POTO: NICKY BERNARD.

Call 123 for more info
www.digicelpng.com

Digicel Tema na Kondisens bai i stap. Ret bilong promosen em bilong out of bundle usage tasol. Promosen bai ron namel long 12am igo inap 7am olgeta dei.

Digicel

PNG's Bigger, Better Network.

Sabino's Corner Yumi paia wut bilong Satan pinis. *Pes 4 na 5.*

KLOSTU NAU!

Yu enrol tu?

43

De moa...

Enrol NAU!!

'Belden no bikhet'

Loya tok ino em

DEPUTI Praim Minista bilong Papua Niugini, Belden Namah i no bin bikhet long Sydney Casino Hotel, loya bilong em i tok.

■ Moa long Pes 2.

GLOBE

....the perfect choice

VITAMIN ENRICHED

More Easy, More Tasty, More Healthy.

TIPNG: Ilekseen 2012 mas go het

TELI Apdeit

Winim Drim Kar Bilong Yu Promosen
Telikom PNG i gat 12-pela kar bilong givim dispela yia insait long "Winim Drim Kar bilong Yu Yet inap long K25, 000" Promosen.

Dispela promosen em i bilong givim bek long ol kastoma long pas strong wantaim Telikom na ol prodak na sevis bilong en.

We bilong Pilai
Olgeta mun, wanpela Telikom Kastoma, husat i go insait long dro bihain long ol i topap i go inap long K50 long wanwan mun, i gat sans long go insait long dro bilong winim wanpela drim kar ol yet i laikim. (olsem; topap long wanem kain kain manimak i bung wantaim long mekim K50).

Ol Wina bilong Januari na Februari
Telikom PNG i givim pinis tupela kar i go long ol wina bilong Januari na Februari. Ol dispela lain em Clive Andie bilong Lahir Civil Construction, Lahir Ailan, na Maura Venzon bilong Pot Mosbi.

Toktok bilong ol Wina Januari Wina - Clive Andie
"Tenkyu tru, Telikom PNG; yu givim ol kastoma narapela namba wan sevis, em waiales vois fasiliti.
Long Desemba 2011 mi bin baim tripela long ol waiales fon long Telikom Lahir sels opis. Mi givim tupela long ol wokman-meri bilong mi, na mi holim wanpela. Mi bin kisim namel namba long tripela, na mi bin tokim ol poroman bilong mi, olsem em i wanpela laki namba, na em bai karim gutpela samting bilong mi. Telikom i mekim driman bilong mi i kamap tru!"

Februari Wina - Maura Maria Venzon
"Mi bin kirap nogut tru. Pastaim mi ting olsem em i was wanpela giaman pilai taim mi bin kisim kol i tok olsem mi win pinis, tasol bihain, taim ol i askim mi long go long Telikom long tokaut stret long intanet akaun bilong mi; em nau mi painimaut olsem mi win trutru...Mi no save bai mi tok tenkyu olsem wanem long Telikom PNG long dispela bikpela saprais long laip bilong mi, bikos mi no ting mi bai gat dispela kain sans."

Dro bilong mun Mas
Dro bilong mun Mas i kam klostu, na ol kastoma i gat aninit long 14-pela de long topap inap long K50 long kisim wanpela entri i go insait long dro bilong dispela mun.

AMAMASIM OL NAMBA WAN RET LONG PNG WANTAIM Citi-fon

Kol long wan min Wanwan SMS Citi-fon I GO LONG Citi-fon 2t 1t Citi-fon I GO LONG Bemobile o Digicel 39t 10t

Citi-fon I GO LONG LENLAIN 29t

Citi-fon I GO LONG FIKS WA-IALES29t

Olgeta ret i save wok Long San na Long Nait tu!

24/7 Kastoma Kea: Ringim 3456 789



Aja Alex Potabe i raitim

ILEKSEEN 2012 mas bihainim taim bilong en yet stret aninit long Mama Loa, na mas go het bikos nogat wanpela Memeba bilong Palamen i gat rait long surukim ilekseen, Trensparensi Intenesenel PNG (TIPNG) i tok.
TIPNG i kamautim dispela namba wan tingting bihain long Palamen Spika Jeffrey Nape, Deputi Praim Minista, Bleden Namah, NCD Gavan Powes Parkop, na

sampela Memba bilong Palamen i bin strongim sait long surukim dispela ilekseen i go moa inap 6 o 12 mun bihain.

Taim Nape gat strongpela bilip olsem ol memba i gat pawa long stopim, surukim o larim ilekseen go het, Namah na Parkop i strong long surukim ilekseen bikos tupela i bilip planti pasin korapsen olsem vot tupela o planti taim, stilim balot bokis na pepa, na pual pasin bai kamap, na dispela bai no nap kamapim trupela na stretpela pasin demokrasi

long makim ol lida i go insait long palamen.

Maski kantri nogat gutpela sistem olsem baio-metrik sistem long ronim ilekseen long stretpela we, TIPNG i tok gavman na palamen bai ples klia brukim Mama Loa bikos Seksen 105 (1) (a) i tok: "jeneral ilekseen mas kamap insait long 3-pela mun bihain long dispela de we kisim bek bilong ol rit pepa bilong pas-taim ilekseen bai kamap na makim 5-pela yia stret."

Siaman bilong TIPNG, Lawrence Stephens, i tok;

"Olgeta det long ronim ilekseen i stap long Mama Loa. Olsem na sapos gavman i tingting long surukim dispela ilekseen, em bai brukim Seksen 105 (1) (a) bilong Mama Loa na Ogenik Loa bilong Nesenel na Lokol-level Gavman Ilekseen."

"Em i ples klia, ol memba i nogat rait long holim pawa moa long 5-pela yia. Spika tu em wok long kisim rong edvais o toktok long daunim pawa bilong Ilektral Komisina. Em i wok bilong Ilektral Komisina long edvaisim o tokim Gavana-Jen-

eral long givim tok orait long ronim ilekseen.

"Inap long paulim tingting bilong ol pipel. Kantri mas go long ilekseen bikos taim bilong yupela em i pinis nau. Yupela i ken go askim sapot bilong ol pipel long kambek long Palamen na makim maus bilong ol olsem lida. Noken giamanim ol pipel bikos palamen i nogat pawa long surukim ilekseen na planti pipel na oganisesen i sapotim ilektral komisina long larim ilekseen go het," Stephens i tok.

Japan halivim PNG lukautim bus

Aja Alex Potabe i raitim

GAVMAN bilong Japan, aninit long Ofisel Developmen Asistens (ODA) i halivim PNG Fores Atoriti (PNGFA) long lukautim gut ol bus na diwai bilong yumi.

PNG i gat bikpela bus, we dispela i ken daunim sampela mak bilong kamapim Klaimet Senis birua. Tasol PNGFA i gat liklik mani, sot long ol save man na em i nogat ol arapela samting long lukautim ol bus bilong yumi.

Olsem na gavman bilong Japan i luksave long dispela bikpela nid yumi gat, na i

givim sampela mani na ol samitng long kamapim wanpela progrem bilong luautim ol bus na diwai long kantri.

Ambesada bilong Japan i kam long PNG, His Ekse-lensi, Hiroharu Iwasaki, i tok em i amamas long givim K20 milian long halivim PNGFA lukautim gut ol bus na diwai.

"Dispela mani bai mekim gutpela wok tru. Em bai daunim Klaimet Senis birua bikos ol diwai save mekim bikpela wok long rausim ol ea o win nogut bilong kamapim Global Woming na Klaimet Senis birua.

"PNG i gat bikpela bus na planti ol gutpela na spesol

diwai i stap long hia. Sampela bilong dispela kain iwai i no stap long arapela bilong wel. Tasol sapos yumi no lukautim, bai yumi lusim olgeta. Sapos yumi larim ol loging kampani i katim olgeta diwai na bagarapim ol bus, dispela bai bagarapim kantri tu.

"Olsem na yumi mas luka-tim ol bus na diwai bilong PNG. Japan em i gutpela na wanpela biknem poroman bilong PNG. Long karim dispela poroman bilong yumi i go antap long narapela level, ODA i nau givim dispela mani na ol komiyuta long PNGFA na ol arapela

stekholda long lukautim bus bilong yumi," Iwasaki i tok.

Japan i givim wanpela Setalait masin, GIS masin, ol kompyuta, halivim ol wokman wantaim trening, na halivim ol wok manmeri bilong PNGFA long kamapim dispela progrem bilong lukautim bus i go inap ol yet i fit long mekim wok gut.

Aninit long dispela progrem, PNGFA bai wokbung wantaim Opis bilong Klaimet Senis, Dipatmen bilong Agrikalsa na Laipstok, Dipatmen bilong Envaironmen na Konsevesen, Fores Risets Institut, Yunivesiti bilong PNG (UPNG) na PNG Yuni-

vesiti bilong Teknoloji (Yuni- nitek).

Iwasaki i tok tenkyu tu long PNG i bin halivim Japan wantaim mani na tok sore taim em i bin painim wanpela bikpela birua las yia, we graun guria i bin kirapim solwara na kilim ol manmeri. Dispela i bin kamapim birua tu long Naklia Pawa Stesen long Fukushima tu, we moa manmeri i bin dai long sik rediesen.

Em i tok dispela kain pasin bilong luksave long nid bilong narapela kantri tasol bai halivim tupela kantri bilong yumi long kamapim gutpela poroman.

Belden no bikhet...

I kam long pes 1

PNG, Gregory Sheppard bilong Young & William Lawyers, i tok Sydney Morning Herald niuspepa long Australia i no bin mekim gut wok painimaut o sekim gut pes bilong dispela man husat i bin bikhet insait long dispela hotel long yai 2011.

Shepperd i tokim *Wantok Niuspepa* olsem dispela pasin bikhet i bin kamap long det Epril 16, 2011, taim Namah i bin stap Oposien Lida, na sapos em i tru tru Namah dispela stori inap long pairap long taim yet, tasol nau olsem wanem na stori i kamap taim ilekseen taim i kam

klostu.

"Ol i no lukim gut pes bilong dispela man na ol i toktok nating stap. Em i no em. Ol i rong long tok em i Belden Namah bikos Namah em yet i tok em i no em. Em i narapela man. Nau wanpela yia i go pinis na olsem wanem ol i lukim olsem em i Namah," Sheppard i tok.

Em i tok em i stretim tok-tok wantaim sampela loya long Australia long larim ol i sekim gut wantaim Sydney Morning Herald long painimaut husat tru i bin lukim Namah spak, bikhet, tok nogut na mekim nambaut nambaut insait long

hotel.

"Nau yet ol loya bilong Namah long Sydney i stretim ol pepa wok long kotim dispela man o meri husat i saspekim em olsem dispela narapela man bilong bikhet insait long hotel em i Namah. Ol bai pait long rait bilong Namah bikos ol i bagarapim nating nem bilong bikpela lida," Sheppard i tok.

Gren Sif Sir Micheal Somare i singaut strong long Praim Minista Peter O'Neill long tokim pipel bilong PNG olsem wanem em bai stretim dispela sem pasin deputi bilong en i bin mekim nambaut nambaut

long Casino long Australia.

Sir Michael i tok; "Olsem lida, yumi makim pes bilong PNG taim yumi go ovasis. Pasin bilong yumi mas luksave long rispekim yumi yet olsem lida na ol pipel bilong yumi."

"Mi save olsem planti pipel i nau sem bikos wanpela biknem lida bilong kantri i mekim pasin nogut we kantri i nau kisim sem.

"O'Neill noken pasim maus na stap isi; planti alegesen o sut toktok agensim Namah i wok long kamap nau, olsem em i wok long poromanim stilman bilong Indonesia Joko, brukim loa long karim

bikpela mani kam insait long kantri na Bewani Wel Pam Developmen. Ripot i tok em i bin yusim 800 000 dola long pilai Kasino tu," Sir Michael i tok.

Sir Michael i askim O'Neill long stopim Namah long go ovasis na makim maus bilong kantri bikos nogut em i westim gavman mani nating long planti pekpek long bagarapim nem bilong kantri.

"Mi singaut strong long ol pipel bilong Vanimo-Green long makim nupela lida na rausim Namah bikos em bai bagarapim nem bilong yupela na mipela olgeta long PNG,"



Bikpela haus piksa soim nupela laip

PUTIM AI: Sampela lain i kaikai pop-kon na lukim wanpela muvi long nupela Paradise Cinema o bikpela haus piksa insait long Vision City long Mosbi. Dispela ol ai glas ol i werim bai mekim yu lukim ol piksa insait long muvi kamap ples klia tru olsem ol i kamap klostu tasol long yu. Dispela em wanpela long ol nupela samting Paradise Cinema i kisim i kam. Ol i kolim dispela ol glas "3D". POTO: Andrew Molen.

UNCAC bai skelim pasin korapsen long PNG

OL MAUSMAN bilong Yunaited Nesens Konvensen Agensim Korapsen (UNCAC) i kam lukim Gavman Sif Sekreteri, Manasupe Zurenouc las wik, long toktok na lukluk i go insait long ol samting bilong kamapim korapsen na level bilong korapsen insait long kantri.

UNCAC bai skelim olsem wanem pasin korapsen save kamap long Dipatmen bilong Praim Minista na Nesanel Executive Council, Jastis na Atoni-Jeneral, Tresari, Ombudsman Komisnin, Intenel Revenu Komisin, Odita Jeneral Opis, Pablik Prosekjuta Opis, Transperensi Intanesanel PNG, Strongim Pipol Strongim Nesen, Konsaltativ Implementesen na Monitaring Kaunsil, na Fainensiel Intelijens Yunit.

Zurenouc i tokim ol mausman bilong UNCAC olsem PNG Gavman em i bilip strong long rausim olgeta pasin korapsen long kantri, na bai stat wantaim ol gavman ejensi.

“Pasin korapsen i bin bagarapim gavman sistem long kantri longpela taim stret, na dispela gavman i nau wok hat long rausim na daunim level bilong korapsen long PNG,” Zurenouc i tok.

Em i tok O’Neill-Namah gavman i laik rausim korapsen na dispela bai lukim olgeta gavman dipatmen na ejensi bai wok-bung wantaim long pasin korapsen long wan-wan opis bilong ol.

Long dispela as tasol, gavman i bin kamapim Investigesen Task Fos Sweep (ITFS) long mekim ol wok painimaut long pablik seven na ol arapela bikipela wokman bilong gavman.

Zurenouc i tok ITFS i bin mekim gut wok long holim sampela wok manmeri long gavman husat i bin paulim bikipela mani bilong gavman.

Ol manmeri husat bai skelim pasin korapsen long PNG i kam long Malawi na Tajikistan wantaim wokman bilong UNCAC.

HapHap Nius

RAMU Nikel maining projek long Madang i promotim HIV na AIDS awenes long wokples na em bin kisim Joe Egu, rol modol na wanpela man i gat AIDS binatang long 9-pela yia nau long karimaut ol wok awenes long ol ples we maining projek i stap long en. Ramu Nikel kampani bai yusim em long ol eria olsem Basamuk long Rai Kos distrik i go olgeta long nambis eria

na go long ol bikples we main paip i ron long en i go olgeta long Kurumbukari long Bundi Lokol Level Gavman eria. Mista Egu i tok em bai skulim pipel long lukautim ol yet na abrusim bikheth pasin na slip wantaim planti patna, gat seif seks we ol i mas banisim ol yet taim ol i laik slip wantaim patna, bikos taim ol i no wokim ol dispela, ol bai kisim birua long sik AIDS.

SAY NO TO PLASTIC BAGS

Plastic bags damage our planet, choke waterways, litter the countryside and kill wildlife.

Say Yes to PNG’s environmentally friendly solution and create your own BSP branded bilum bag or basket. It could win you a cash prize and help save the environment.

The Competition

BSP is inviting everyone to enter for a chance to win great cash prizes by creating a traditional woven bilum or basket made with natural fibre.

Eligible entries must have;

1. The BSP lime green Logo; or
2. the BSP lime green colour; or
3. the text “BSP Go Green”
4. to be original and creative
5. to be woven traditionally.

The Prizes

There are great weekly & major cash prizes. All entries receive BSP merchandise.

All weekly winners will be in the running for the major prizes

Competition **Starts 20th February** & all entries should be submitted by **April 30th**. Weekly prizes announced April 5th, April 13th, April 20th, April 27th, May 4th and May 11th. **Major Prizes announced May 18th**



ENTRY FORM

Drop your completed entry form into your local BSP Branch.



Name: _____
 Age: _____
 Gender: _____
 Email: _____
 Mobile No: _____
 Address: _____
 Town: _____
 Province of origin: _____
 BSP Acc No: _____
 If not a BSP customer, provide proof of identification to claim prizes
 Sign: _____
 I have read & agree with the competition terms & conditions.

Terms and Conditions

1. To enter and be eligible, entrants must complete the official entry form, completing all relevant details.
2. Entries must comply with the criteria of the competition.
3. By entering the competition, entrants give BSP the ownership of the entry, which may include a billum, basket and craft, related to the entry.
4. By entering the competition, entrants give BSP the right to use the entry for any marketing and promotional purposes.
5. By entering the competition, entrants agree and acknowledge that they may be contacted by BSP to provide comments about the competition and BSP may take photos and video recordings of them.
6. Entrants may enter the competition only once and must submit original/over seal.
7. Entrants can only enter the competition in their own name and not on behalf of someone else.
8. Eligible entries received will be judged by a panel of BSP representatives in accordance with the criteria.
9. Staff and their immediate family members (spouse, father, brother, sister, children) are not eligible.
10. Winning entrants must provide proof of identification to claim prizes.

Go Green for Sustainability
 Visit our website for more details

Find Us On



Another BSP Go Green Initiative 2012

Niupela Maggi Magic Teist
 Wanpela kain kuing pauda

Bai givim BEST teist long kainkain kuk

We have sold our souls to the Devil

WE have just witnessed our Chief Justice being arrested at gunpoint by armed thugs calling themselves "members of the Royal Papua New Guinea Constabulary".



can no longer walk around safely at night except for Highlanders. And if our policemen are as efficient as they have demonstrated in their arrest of the Chief Justice, then one must ask why they cannot apprehend so many rapists, murderers and armed bandits who roam around freely in our towns and cities in this country?

Does the Police Department have lawyers who can advise the Commissioner when to charge a person for perverting the cause of justice? One does not have to be a lawyer to work out that a charge of perverting the cause of justice only applies in a situation where the person charged has, in effect, interfered with the criminal justice system by either destroying evidence, advising witnesses to tell lies, or not to testify, or in some way interfering with the conduct of criminal proceedings.

In the common law countries, of which

PNG is one, having adopted the English Legal System, nobody gets charged for perverting the cause of criminal justice in a strictly civil matter such as that alleged against both the Chief Justice and the Registrar of the National and the Supreme Court.

This is total abuse of police powers which in effect amounts to breaches of the Constitution.

This is a matter of public interest because it is all about the policemen who, having sworn oaths to protect persons and property and to uphold the Constitution and the rule of law, have chosen instead to disregard their oaths to seek out the Chief Justice and the Registrar to exercise their powers of arrest and detention. Not for breaches of the criminal justice system; but for political purposes to please their political masters.

If Peter O'Neill and Belden Namah are behind this move by police to arrest the Chief Justice and the Registrar of the National and the Supreme Courts, then we would like to ask these two gentle-

men: 'What is wrong with you two? And how mighty and powerful do you two want to be? You both are already the Prime Minister and the Deputy Prime Minister respectively, so why are you not satisfied with that? Why do you two have to go out of your way to flex your muscles further? And what end would that serve? Is this simply an exercise to service your egos? And what is the justification for going to arrest the Chief Justice while fully armed with high powered guns? Was there any suspicion that the Chief Justice might be fully armed as well?

Either rightly or wrongly, you guys are now in power in this country. And rightly or wrongly, the bulk of people have accepted you as the government of the day.

In effect, with your promises for free education and free health, you have bought and the people at large have sold their very souls to you, so we suggest that you find peace within yourselves to maintain your positions in government until after elections, and if you are

successful there, then that would mean another term in government for your mob.

Thus, we suggest that all this nonsense be stopped and that the present mob continue their term of office until the elections and the writs are returned. It is unnecessary to terrorize people simply because they think differently and say things differently. Is that not what democracy is all about?

It is said that democracy is a rule by the majority, but let us add too, that in a responsible democracy, the minority is allowed to air its views or dissention without fear, and it is a sign of matured leadership not only to tolerate the minority but also to afford the minority the forum to air its views.

Is this not the PNG way of doing things by way of public debate? And why should that change simply because Peter O'Neill and Belden Namah are now in power?

Is Papua New Guinea now heading into dictatorship? Over to you O'Neill and Namah!

Yumi paia wut bilong Satan pinis

MIPELA i lukim pinis Sif Jastis bilong mipela, ol man i holim gan na kolim ol yet "ol memba bilong Royal Papua Niugini Konstabulari" i holim em.



no pilim sef moa long wokabout fri long nait? Ol Hailans tasol i save strongim tingting na wokabout long laik.

Na sapos ol polisman bilong yumi em ol trutru man bilong wok, olsem ol i soim taim ol i arestim Sif Jastis, orait, yumi mas askim watpo ol i no holim yet planti ol repis man, ol medera o man i kilim arapela man, husat i wok long raunraun nating long planti ol taun na siti long dispela kantri?

Polis Dipatmen i gat ol loya man husat i ken stiaim Komisina long taim bilong sasim wanpela man long paulim wok jastis? Mipela no loya, tasol mipela i ken luksave olsem dispela hap tok 'perverting the course of justice', em i sut long wanpela sindaun we man ol i sasim, em i paulim wok bilong kriminal jastis sistem, taim em i kukim o rausim na haitim evidens, stiaim ol witness long tok giaman, o noken testifai, o long sampela rot we i pasim wok bilong kot o jastis.

Insait long ol komon lo kantri, we PNG em i wanpela long ol bikos em i bihainim Inglis Ligel Sistem, nogat wanpela man i save kisim sas long paulim wok bilong kot insait long wanpela sivil kot olsem dispela, i agensim Sif Jastis na Rejistra bilong Nesenel na Suprim Kot.

Dispela em i paulim tru pawa bilong polis, we em yet nau i go agensim Konstitusen o Mama Lo.

Dispela em i samting bilong pablik long save, bikos em i sut long ol polisman, husat i mekim pinis ol tok promis bilong strongim Konstitusen na lo, na husat i no luksave long ol dispela tok promis, long painim Sif Jastis na Rejistra long yusim pawa bilong ol long arestim man na holim em. I no bikos em i brukim wok bilong kriminal jastis sistem; tasol long pilai politiks na amasim ol politikal lidaman bilong ol.

Sapos Peter O'Neill na Belden Namah i stap baksait long dispela wok polis i mekim long arestim Sif Jastis na Rejistra bilong Nesenel na Suprim Kot, orait, mipela i laik askim dispela tupela man long dispela askim:

'Wanem hevi bilong yutupela? Na yupela laik kisim wanem kain strong na pawa moa? Yutupela i praim minista na deputi praim minista, na yutupela i no inap yet? Watpo yupela i go gen na soim masol bilong yutupela yet? Na em bai kamapim wanem? Nogut em i kamap long strongim pasin yupela i gat long laikim yupela yet?

Na wanem as tru long go na arestim Sif Jastis wantaim ol bikpela pawa gan? I bin i gat sampela tokwin olsem Sif Jastis tu bai karim ol bikpela pawa gan?

Maski em i stret o i asua, yupela nau i stap long pawa long kantri. Na rait o rong, bikpela namba bilong pipel i wanbel na givim luksave long yu pinis olsem gavman bilong tude.

Tru tumas, wantaim ol tok promis bilong yupela long fri edukesen na fri helt sevis, yu baim pinis sol bilong olgeta manmeri long kantri, olsem na mipela i tok olsem yupela yet i mas painim bel isi long yupela yet na holim strong wok yupela i holim nau long gavman, inap bihain long ol ileksen, na sapos yupela i winim vot gen, em bai narapela tem bilong yu na ol mobs bilong yu.

Olsem na mipela i tok olsem olgeta dispela pawa pilai i mas pinis nau, na gavman i stap nau i go het inap long taim bilong ileksen na ol rit i go aut na kam bek. I nogat as long go na pretim nating ol manmeri bikos ol i gat narapela rot bilong skelim samting, na narapela kain nek long tromoi toktok. Em i pasin tru bilong demokrasi, laka?

Ol i tok demokrasi em i rul bilong majoriti, o husat i holim moa namba, tasol mipela i laik tok tu, olsem insait long wanpela strongpela demokrasi, mainoriti, o ol lain i nogat bikpela namba, i gat rot na sans bilong autim tingting bilong en, na em i mak bilong gutpela lidasip, long orait long en, na tu, long givim spes na sans long ol mainoriti long autim tingting bilong ol.

Em i no we PNG i save mekim samting? Long pasin bilong tokpait long pablik? Na watpo bai yumi senisim dispela pasin demokrasi bikos Peter O'Neill na Belden Namah nau i holim pawa?

Papua Niuginiu nau i wok long go painim diketasip? I go bek long yutupela, O'Neill na Namah!

Sapos Polis Komisina Kulunga na ol polisman bilong em i soim strong bilong ol long mekim wok bilong ol, watpo na long Mosbi na ol arapela ples long kantri, ol manmeri i

Ol PNG Raita kisim moa sapot

Veronica Hatutasi i raitim

OL PNG raita i ken amamas na skruim wok long rait moa wantaim wanpela moa sponsa i kam insait long sponsaim "sotpela stori" awot o prais.

Stimsips Treding kampani em i wanpela kampani i stap long PNG long planti yia pinis i go insait long joinim 5-pela koporet kampani na sponsaim ol raita manmeri bilong PNG long Crocodile Prais long ol wan wan seksen bilong raiting.

Prais mani we Stimsips Treding i sponsaim Crocodile Prais na wina bilong Sotpela Stori seksen long 2012 awot bai kisim em K10,000.

Fainens Dairekta bilong kampani, Eddie Ruha, i tok

Stimsips i amamas long go insait long projek we i givim luksave i go long ol PNG raita.

"Mi bilip olsem Crocodiel Prais i wok long strongim nesenel litresa bilong PNG.

"Ol ogenaisa i tokim mi olsem ol i lukluk long kisim samting olsem 200 stori long resis long 2012, na 30 long dispela em ol bai pablisim insait long wanpela buk.

"Mipela i bilip olsem ol raita i amamas long gat sans long ol stori bilong ol i stap insait long buk na ol rida i ken ritim ol samting i sut stret long PNG kalsa na laip," Mista Ruha i tok.

Ko fauna bilong Crocodile Prais, Keith Jackson, taim em i amamas long sapot bilong Stimsips Treding i tok "dispela em i

bikpela de bilong ol PNG raita, na mi amamas long wanpela kampani olsem Stimsips i wok lon gpela taim long kantri i kam insait long nesenel projek olsem.

Ol narapela ogenaísesen we i sponsaim Crocodile Prais resis em long Ok Tedi Maining i sponsaim Litretsa prais bilong ol Meri, The Cleland i sponsaim Heritej Litretsa prais, The Chalkies Yokomo i sponsaim Stusen Raiting prais, Britis Ameriken Tobako (PNG) i sponsaim prais bilong Laiptaim Litereri Asivmen na Esia Pasifik Helt Sevis i sponsaim Raitas Forum.

Poetri na Esei/ Jenelisisim awot i nogat sponsa yet.

Ol bai tokaut long ol wina long ol wan wan eria bilong raiting long mun Septemba dispela yia.



SAPOT I KAM: Fainens Dairekta bilong Stimsips, Eddie Ruha, i givim K10,000 sekmani i go long Amanda Donigi bilong Pacific Pencil, i makim ol lain i go pas long Crocodile Prais komiti. **Poto.: Stimsips Pablik Rilesens.**



WINLAIN: OL sumatin bilong Sen Francis Paimari Skul long Koki i bin droim driman kar bilong ol long namba 6 Driman Kar Ats resis we Ela Motors i bin kamapim. Dispela ol droing bai go insait long bikpela dro we bai lukim husat sumtin bai go raun long Japan. 4-pela sumatin wina wantaim prais na setifiket bilong ol wantaim het tisa na ats tisa bilong ol wantaim wanpela bos bilong Ela Motors. **Poto na Stori Nicky Bernard.**

Profesa Kavanamur bai lukautim Haia Edukesen

NESENEL Eksekyutiv Kaunsil (NEC) i makim wanpela biknem saveman bilong PNG, Profesa David Kavanamur olsem Dairekta-Jeneral bilong Opis bilong Haia Edukesen (OHE).

Praim Minista Peter O'Neill i tok Profesa Kavanamur, husat i kisim ples bilong bipo Ekting Dairekta-Jeneral Dokta William Tagis, bai sevim

OHE inap 3-pela yia.

O'Neill i tokaut tu long makim bilong Goodwill Tony Amos long kamap Ekting Menesing Dairekta bilong Nesenel Fores Sevis.

Em i tok makim bilong Amos em i kamap long Mas 2, 2012 na bai pinis tai ol i makim nupela man long kisim ples bilong en.

O'Neill i tok Kavanamur na Amos i save gut long

wok bilong tupela, na Pablik Sevis Komisn na Nesenel Forest Atoriti i bin tokim NEC long makim tupela long kisim dispela wok.

"Mi tok amamas long Profesa Kavanamur na Amos long NEC i makim tupela, na mi gat bikpela bilip olsem tupela bai putim PNG i go pas long mekim wok gut long wokples bilong tupela," O'Neill i tok.

Ol ofen pikinini kisim helpim long Dijisel



GUTPELA HELPIM: Ol skul pikinini long Orphan Buddy System na ol lain long Dijisel Faundesen i wokim beten long tok tenkyu long blessing ol i kisim. **Poto: Dijisel Pablik Rilesens.**

OL OFEN o lain we papama-bilong ol i dai pinis na Friends Foundation i lukautim ol aninit long "Orphan Buddy System", i ken amamas long putim gut ol samting na go long skul nau wantaim helpim bilong Dijisel Faundesen.

Long dispela wik Mande, 47 ofen pikinini i bin kisim ol skul bek na ol samting i stap insait long helpim ol long skul bilong ol i kam long Dijisel Faundesen.

Long Sarere Mas 10, ol dispela pikinini i bin kisim ol dis-

pela skul bek wantaim ol samting insait long wanpela babakyu we narapela tupela ogenaísesen i givim helpim tu long ol em, Hai Komisn bilong Australia na Siti Famasi, i bin stap wantaim Dijisel Faundesen long givim ol presen.

Samting olsem 15-pela pikinini i bin kamap long babakyu na kisim ol presen bilong ol.

Long makim ol pikinini, Kodineta bilong Friends Foundation em Asi Nauna,

taim em i tok amamas long tripela ogenaísesen long gutpela helpim ol i givim long ol pikinini i bin askim ol narapela bikpela kampani long lukim samting we tripela i wokim na givim helpim tu bilong ol.

Ol pikinini i bin gat gutpela de stret na ol i amamas penim pes bilong ol, musik we George Tau na grup bilong em i kamapim we ol bin danis long em na ol babakyu kaikai ol bin kisim long en.



Salim pikinini bilong yu i go long skul long gutpela bihain taim bilong em. Wantok Niuspepa i sapatim Yunivesel Besik Edukesen (UBE).





Ol risev polis bilong Watut Lokol Level Gavman we stap namel long boda bilong Aseki na Menyamya long Is. Ol i kisim poto bihain long kisim pepa bilong ol olsem risev bilong Bulolo. Bos bilong ol, Kopul George Gambu i sanap namba tu long lep han.



Sajen Cletus Wende i kaunim namba bilong ol risevis bipo long pereid long Bulolo distrik opis long kisim ol pepa na namba bilong ol olsem ol risev polis bilong Bulolo.



Toksave i go aut long Namba 31 PNA Opisial Miting na Namba 7 PNA Ministerial Miting, Makim Namba 30 Anivesari bilong ol Pati i sainim Nauru Agrimen (PNA), na Selebretim Namba 1 Wol Tuna De We bai kamap long Alotau, Milen Be Provins

Het Tok: "Strong long Pasin Wokbung Wantaim"

Konfrens Ples: Edukesen Milen Be Konprens Senta (Epril 23 – Me 02 2012)

Ko-fanding i kam long Nesenel Piseris Atoriti na Opis long ol Pati i sainim Nauru Agrimen, na i wokbung wantaim Ministri bilong Piseris na Marin Risoses na Nesenel Piseris Bod.

Tok Orait i kam long:

Sylvester B. Pokajam

**Siaman bilong PNA na Menesing Dairekta,
Nesenel Piseris Atoriti**

Bulolo polis kisim mak

Bustin Anzu i raitim

OL POLIS risev bilong Bulolo insait long Morobe provins nau i kisim blesing pinis olsem ol risev bilong Royal Papua Niugini Konstabuleri (RPNGC). Dispela luksave i bin kamap long Bulolo distrik opis long las wik Fonde.

Namba tu dairekta bilong ol risevis na okseleri polis long kantri Sajen Cletus Wende, husat i bin makim opis long Pot Mosbi na i go long Bulolo i bin go na givim ol pepa bilong ol wantaim ol namba bilong ol.

Bihain long wanpela pereid, Administreta bilong Bulolo Tae Guambelek i tok nau em taim bilong wok bung wantaim na kamapim o klinim bek Bulolo na Wau, na givim gutpela tingting long ol bisnis long wok long ples bilong ol.

Em i tok de bilong wokim ol pipia na brukim loa long bipo em pinis na ol mas senisim pas long kamapim gutpela sindaun insait long eria bilong ol.

"Mipela bai wok bung wantaim loa lain long kamapim gutpela sindaun insait long distrik. Bulolo na Wau i bin kamapim nem bilong Papua Niugini long Wol mep long taim bilong gol ras (gold rush). Tasol ol hevi bilong loa na oda long distrik i kamapim nem nogut. Mi laik mekim tok klia olsem ol dispela pasin mas pinis nau na ino ken kamap gen," Administreta Guambelek i tok.

Em i tok ol i gat tupela bikpela maining kampani long distrik bilong ol na ol dispela kampani i laik wok long ples we i nogat hevi bilong lo na oda insait long komyuniti. Ol laik wok long ples we ol man-meri i stap isi na ples i gutpela.

Bulolo polis stesin komanda na bos bilong

isten komand, Sinia Inspekta Thomas Pomoso i tok gutpela long joinim famili bilong risev bilong polis tasol ol i gat rul na wei bilong ol yet long ol i mas bihainim.

Em i mekim bikpela tok tok long self disiplin, we i no moa stap long ples bilong wok bilong ol.

Pomoso, husat i nupela long dispela distrik bihain long mekim wok polis long Wabag, Enga provins, i tokim ol risevis long bihainim gut wei bilong wok na noken wok long laik na tingting bilong ol yet.

"Yupela mas wok bihainim pasin bilong wok. Noken wok long laik bilong yu yet. Sapos yu no bihainim, dispela i ken bagarapim dispela gutpela wok bilong yu," em i tokim ol risevis.

Wende i tok ol dispela risevis em ol bilong Bulolo ilektoret na ol bai wok long ol Lokol Level Gavman na ino inap go wok long narapela hap, olsem ol narapela risevis save mekim.

"Ol dispela risev bai wok long Bulolo ilektoret na i no go wok long narapela hap. Olsem na ol dispela namba em bilong eria bilong ol yet," em i tok.

56 pela risev we i gat tupela meri i bin kisim pepa bilong ol wantaim namba. Ol dispela risevis em bilong Buang, Mumeng, Watut, Bulolo na Wau Uben Lokol Level Gavman insait long Bulolo distrik.

Long hevi bilong lo na oda insait long distrik, ol dispela risevis em ol i bin kisim na trenim ol long Erap, klostu long Nadzab ples balus. Join distrik plening na baset prioriti komiti (JDP & BPC) bilong Bulolo distrik i bin putim mani long trening na wok.

15-pela SSTC wok meri kotim Gad Dok Sekyuriti

Paul Fuzo i raitim

FIFTIN PELA (15) wokmeri bilong South Sea Tuna Koporesen Limited insait long Wewak, Is Sepik Provins nau i kisim Gad Dok Sekyuriti Kampani (GDSS) i go long kot bikos tupela sekyuriti meri bilong ol i bin sekim ol wantaim nogat gutpela askim, na sekim ol long pasin i no stret.

Ol dispela SSTC wok meri i tok out olsem ol i no amamas tru long pasin we dispela tupela Gad Dok Sikuriti meri i mekim long ol we nau i bringim bikipela sem tru long ol.

Ol i tok dispela pasin i bin kamap long las yia Disemba 8 long samting olsem tri kilok moning insait long ples bilong wok long South Sea Tuna Koporesen prosing plent.

Long dispela taim, ol i bin wok nait aninit long sanitesen seksen taim ol Gad Dok Sekyuriti husait i bin wok long dispela nait i bin odaim ol long go insait na bung long res o malolorum, long painim aut long wanpela komplem i bin kamap long dispela taim.

Ol narapela wokmeri bilong narapela seksen i bin komplem olsem wanpela meri i bin rausim sikmun karamap bilong em (modes) na tromoi insait long toilet we ol i sutim tok long wanpela bilong ol sanitesen seksen meri i mekim.

Ol i tok, bihainim dispela komplem, ol Gad Dog Sekyuriti i sanapin ol long lain na tupela sekyuriti meri i sekim ol.

Ol meri ya i tok tupela sekyuriti meri i putim han long fran na beksait long as bilong ol, na pilim long painim sapos i gat modes i stap insait long andapens bilong ol.

Ol 15-pela meri i tok ol i pilim han bilong tupela sekyuriti meri i holim stret sem na as bilong ol, na dispela i wokim ol i pilim bikipela sem tru long wanem, planti bilong ol em ol marit meri na ol i gat ol bikipela pikinini na tumbuna.

Ol i tok moa olsem nambawan sekim bilong tupela sekyuriti meri ya i no bin painim modes long andapens bilong ol na tupela sekyuriti meri ya i wokim i ken namba tu sekim. Long dispela namba tu sekim, ol

meri i bin rausim klos na sanap nating wantaim andapens.

Dispela i bin mekim ol i belhat na wanpela bilong ol husat em i lapun meri na i no moa lukim sik mun bilong em i rausim pents bilong em na sanap as nating long soim olsem wok sekim tupela Gad Dog meri i wokim i no gutpela.

Ol i tok bihain long namba tu sekim we tupela sekyuriti meri i sekim ol wantaim pents nating, ol sekyuriti i no amamas long wok painim aut bilong ol na i go het long sekim gen ol bek na bilum bilong ol.

Ol 15 SSTC wokmeri i tok, ol i no amamas long dispel kain sekim we Gad Dog Sekyuriti wokim long ol, na ol i ripotim dispela bel wari bilong ol long menesmen bilong ol long SSTC, tasol i no bin gat gutpela luksave long stretim dispela komplem bilong ol.

Ol i tok, ol i ripotim dispela komplem long Wewak polis na askim Gad Dok sikuriti sekyuriti kampani long Wewak long baim ol K50 wanwan long stretim skin bilong ol meri, tasol Gad Dok Sekriti menesmen i no wanbel long stretim dispela askim bilong ol.

President bilong Is Sepik Kaunsel bilong ol meri i no amamas long dispela pasin we i kamap long ol dispela meri, na i tok ol sekyuriti kampani i mas lukautim gut ol klaien bilong ol, na i noken bagarapim rait bilong ol.

Na bikipela samting tru em, noken bagarapim ol meri long ol ples bilong wok bilong wanem, ol meri tu i save kontribuit bikipela tu long wok fos na eikonomi bilong kantri.

Ol dispela 15 SSTC wokmeri i kisim pinis MS Wagambie loya's long makim ol long kotim Gad Dok Sikuriti kampani na tu, ol bosman bilong ol SSTC long feil long kamapim seif ples bilong ol long wok, we i nogat pasin i no stret i ken kamap long ol long taim bilong wok.

Keis bilong ol dispela 15 SSTC wokmeri i rijista pinis long Nesenel Kot long Madang, na bai luk olsem David bai pait wantaim Goliath bilong wanem 15-pela liklik meri nau i redi long salensim tupela milionea kampani.



15-pela SSTC wokmeri husait bai salensim Gad Dok Sekyuriti Kampani na SSTC Koporesen kampani i go long kot. Photo: Paul Fuzo



Raun Lukim ol Meri na Pikinini....

WAIT AILAN: Mama na pikinini i amamas long painim abus na waswas long naispela ailan ol i kolim long Wati (White Island) Ailan i stap long Buka, Otonomes Rijen bilong Bogenvil. Long ol wiken, planti lain i save go piknik long dispela naispela ailan.

Poto: Fail Piksa



PNG SUSTAINABLE DEVELOPMENT PROGRAM LTD

PNGSDP na salens bilong banisim gut wanpela Diwai Kengaru

PNGSDP i gat wanpela longpela taim wok bilong was na bekim ol birua OK Tedi main i givim long busgraun na wara.

Em i kisim tu askim long sapatim wok konsavesen insait long provins na long ol arapela hap bilong PNG. Olgeta plen bilong mipela i gat ol envairomen impek wok skelim i save kamap long ol, we mipela i save givim han long ol Konsevesen projek tu

Wanpela gutpela piksa, em i Projek Tenkile.

Insait long bikbus bilong Torricelli Maunten Rens, tupela spisis bilong wail laip we namba i sot, em Scott's Tri Kengaru, we ol asples yet i save kolim Tenkile (*Dendrolagus scottae*) na Goldenmentol Diwai Kengaru (*Dendrolagus pulcherrimus*). Insait long 50 krismas, namba bilong ol pipel i sindaun insait long dispela eria i go antap tripela taim, na sindaun na stap bilong ol diwai kengaru nau i karim hevi long ol man i pinisim olgeta namba bilong ol. Nau yet, ol namba i pundaun inap 70 na 80% pinis.

PNGSDP i bin kisim askim long stap insait long wok bilong halivim Tenkile Konsavesen Alaiens, wanpela NGO i wok long Sendaun provins wantaim ol pipel bilong ol maunten long painim ol rot bilong banisim gut busgraun bilong ol, lukautim gut ol enimal we namba bilong ol i sot, na long wanpela taim, givim ol arapela rot bilong kisim winmani na sapatim groa long namba bilong ol manmeri.

Olsem na long 2008, PNGSDP i bin tok wanbel long halivim komyuniti, wantaim sapat bilong Australia Intanesenel na Tenkile Konsavesen Alaiens, wantaim K213, 000, we ol i yusim bilong promotim ol arapela kain abus, na mekim trening bilong 24 ol ples komyuniti long wok konsavesen na agrikalsa.

Projek i lukim planti komyuniti i bihainim rebit na kakaruk faming olsem wanpela arapela rot bilong kisim winmani, na i no bilong kilim nating ol diwai kengaru.

Em i rausim presa long ol wanwan kain enimal bai ol i ken sindaun strong gen insait long lain diwai na stap olsem wanpela gutpela samting na piksa bilong ol Torricelli Maunten pipel long bihain taim. Namba bilong ol Tenkile (diwai kengaru), em i groa inap tri handret pesen bihain long projek i kirap. Dispela em i wanpela gutpela wok kamap tru. I bin gat wanpela kain sotpela lek o dwof muruk, we nau i gat banis long noken pinis olgeta.

Namel long ol bikipela samting bilong PNG em ol kain kain stail enimal, pis na binatang. Mipela i wok long painim yet ol nupela na narakain enimal, na PNGSDP i amamas long kisim dispela askim bilong sapatim banisim bilong tupela long ol dispela stail enimal bilong yumi.



CEO: David Sode

I kam long tebol bilong CEO (Atikel #9 bilong 2012)

Pater helpim long sevim kalsa bilong Bogenvil

WOK bilong ol misinari long ol nupela ples i save kirapim wok bilong Gutnius na kisim pipel long save long Bikpela.

Tasol antap long dispela, ol i save kisim helt na edukesen sevis i go long ol ples insait long bus, bikpela solwara na maunten, na tu, skulum pipel long bihainim stretpela pasin.

Narapela eria we planti pipel i no luksave long en inap ol i kisim gutpela edukesen na tingting bilong ol i op long glasim ol samting em, pasin tumbuna bilong pipel, i wanpela long ol.

Wanpela nupela film o piksa ol i kolim, **"Bougainville"**, i piksa we wanpela Katolik Maris pater i bin wokim klostu 80 krismas i go pinis bai helpim ol pipel long Bogenvil long save long sampela ol pasin tumbuna we planti manmeri long tude i lusim tingting pinis long en.

Yunivesiti bilong PNG (UPNG), Waigani Kempus long Mosbi i bin soim piksa, **"Bougainville"**, long las wik Fonde. Maris misinari pater bilong kantri Frans em Pater Patrick O'Reilly, husat i bin wok long Bogenvil namel long yia 1934 na 1935 i bin wokim dispela muvi piksa.

Moa long wok misinari, Pater Patrick i bin wanpela saveman ol i kolim long "ethnographer".

Dispela kain man i save mekim wok stadi long ol wan wan kala skin man, ol kalsa, ol pasin tumbuna na laipstail bilong ol.

Dokta Nicholas Garnier em i go pas long "Antropoloji Dipatmen" wantaim UPNG, i tok Pater Patrick, husat i gat nem bilong kantri Ireland, tasol em i bilong kantri Frans, i wanpela etnografa na em i bin kisim gutpela sapot bilong Katolik netwok we i bin wok gut na strong long olgeta hap bilong ailan long dispela taim.

Em i tok "Trocadero Museum ov Ethnography" i bin komisineri o peim olgeta wok na wokabaut bilong Pater Patrick long wokim dokumentereri bilong ol tumbuna kalsa long Bogenvil olsem hap long wok bilong bihainim taim bilong "museum ol i kolim long "Musee de l'Homme" ol bin opim long Peris, kapitel siti bilong Frans, long yia 1937.

"Long stap bilong em long Bogenvil, Pater Patrick i bin bungim moa long 1,000 atifefts o ol tumbuna na kastom henkraf, kaving, poteri na ol narapela moa olsem.

"Tude, ol dispela samting em ol i holim ol i stap long "Musee du Quai Brandy" long Paris, Frans.

"Long stap bilong em long Bogenvil, Pater Patrick i bin fokas long kisim ol gutpela na kliapela piksa long ol kalsa bilong pipel na olsem, em i bin wokim ol dokumentereri long ol "ritual" o kastom pasin ol pipel i gat long taim bilong marit, dai, mama i karim nupela bebi, pastaim long go painim



KATIM PIK: i gat rot yet we ol tumbuna i save mekim ol samting long ol wan wan eria long PNG na Bogenvil tu. Hia ol yangpela manki bilong ples Monoitu long Siwai i katim pik, bihainim yet rot we ol tumbuna lain i save katim pik long en.



PASIN TUMBUNA: Tupela Gret 6 sumatin man na meri long Monoitu Praimeri skul i soim pasin tumbuna bilas bilong ol Siwai long kalsere de bilong skul. Selmani karuka na ol tumbuna bilas em ol bikpela samting.

pis, nupela gaden na moa.

"Planti long ol dispela samting we pater i bin wokim dokumentereri piksa long ol em ol i lusim pinis, o ol i senis nau," Dokta Garnier i tok.

Em i tok Pater Patrick i bin kisim gut stret rot ol asples pipel i wokim "kleipot" o sospen bilong kuk ol i wokim long tais pipel long saut bilong Bogenvil i wokim, man bilong wokim gutpela kaving em Genu bilong ples Rorovana long nambis bilong Sentrel Bogenvil we ol hauslain bilong em i skruim wok bilong wokim kaving nau yet, kukim dai man na ol narapela moa.

Mi bin stap namel long sampela lain Bogenvil na ol yunivesiti sumatin husat i bin lukim dispela dokumentereri muvi piksa.

Olsem wanpela meri bilong Bogenvil, mi ken tok dispela piksa i soim jenerel laip long Bogenvil we pipel i save mekim ol samting long ol wan wan de long stap na laip. Na ol spesel seremoni, ol pasin kastom na tumbuna we planti pipel long tude i lusim tingting



BUKA LAIN: Ol yangpela meri bilong Buka Ailan i soim tumbuna bilas, kalsa na danis bilong ol.

Ol Foto: Veronica Hatutasi

pinis long ol.

Mi save ting olsem wokim ol kleipot i wok bilong ol man, tasol long dispela piksa, yumi lukim tupela meri i soim ol rot bilong wokim ol gut tru na mi amamas.

Mi no save sapos nau yet

long Bogenvil, ol meri i wokim ol kleipot, tasol long eria bilong mi long Siwai, liklik lain man stret i stap laip yet i wokim ol kelipot. Na mi no save sapos ol i skulum sampela famili memba o hauslain long wokim kleipot.



GLASIM TOK
WANTAIM
Fr Lollington Wiam

Polis na Ami ino ansa bilong stretim hevi.

LONG politikel histori bilong PNG, yumi no bin bungim kain pasin olsem tude yumi bungim.

Insait long 36 Krismas long Independens, PNG i amamas long demokretik sistem bilong gutpela gavanens we ol ilektet lida i no bin wokabaut aninit long gan bilong ol Polis na Ami.

Ol memba bilong yumi i raun wantaim nogat pret na ol i wok wantaim stretpela na gut gavanens. Ol i save slip na kirap wantaim ol pipel na taim gavman i brukim baset na givim long wanwan distrik, mani i save go stret long distrik na ol i save kirapim gut wok bilong distrik.

Long dispela taim mani gavman i save katim i go long ol distrik em K500, 000 tasol, na yumi save lukim planti senis. Bikos, ol save wok wantaim pasin bilong mekim wok tru tru, nogat giaman pasin na gutpela menesmen.

(Kain olsem Pater David Mumb bipo i memba bilong Midel Ramu long 1982 - 87. Em i gat haus long Simbu stesin na em i save slip kirap wantaim ol pipel na kam long palamen sisen.

Em i soim tru kala bilong gutpela Lida).

Tasol long Politik, em i narakain olgeta, ol lida i slip na kirap long Waigani, tasol na wanwan yia hamas milian kina gavman i katim long wanwan distrik em save go insati long bilum bilong ol na yumi no save lukim senis long ples.

Long dispela as tasol, pasin stil na korapsen i kamap nambawan long PNG. Long dispela as tasol ol lida bilong yum ii pilim gilty na ol i stap na wokabaut wantaim pret long yumi.

Long dispela as tasol ol pret na yusim polis, ami na gan i stap sait na o i wokabaut long namel.

Em olsem wanem, em trupela kala bilong ol lida i makim maus bilong ol pipel o em ol raskol na stil lida? Yumi pipel i gat bikpela ai wara n bel pen wantaim yumi istap na bai yumi mekim wanem?

Wanpela gutpela samting yumi lukim wanem samting i wok long kamap long dispela liklik taim bilong nupela gavman.

Olgeta hevi i kamap em i wok long yusim ami na polis wantaim ol gan.

Sapos yumi glasim gut tru, hevi bilong LNG land Ona kleim we ol mobail plisman i kam wantaim samting bilong pait long Waigani long rausim papa graun bilong LNG taim ol i no amamas na ol i go long gavman Haus.

Kes long Wewak ESP, Polis na Foren ami i stap pinis. Wok bilong Task Fos Swip tim i pait long korapsen hevi pastaim ol i karim aut wok.

Wokabaut bilong Praim Minista, Deputi Praim Minista na ol i sinia kabinet minista em ol i mas wokabaut wantaim strongpela sekyuriti. Dispela kain pasin yumi pipel i lukim i no stret, na klostu bai yumi lukim sampela kain bikpela mak i kamap.

Piksa i soim tu rot long wokim tamatama, em spesel kaikai bilong Bogenvil pipel yet ol i save wokim long ol spesel seremoni, singautim ol tumbuna long helpim ol i kisim planti pis pastaim ol i go painim pis, pilai wantaim rop bilong ol liklik meri, wokim nupela gaden, yusim stik long digim hul long planim ol taro na wokim banis long banisim ol pik, marit seremoni long tupela nupela marit, seremoni na a ol ritual o kastom pasin meri i wokim long dai man bilong em, na ol narapela moa.

Em i namba wan taim tu mi lukim olsem Bogenvil i gat ol tumbuan tu. Dispela i kamap long marit seremoni we tupela tubuan i bin stap long ol kaur singsing lain.

Maski pater i bin wokim

piksa klostu 80 krismas i go pinis, kwaliti bilong piksa i gutpela na i klia, tasol saun tasol em i nogat.

Em i tru olsem taim ol misinari i go sindaun long nupela ples, ol bin tokim pipel long lusim planti ol pasin tumbuna we ol i lukim olsem i no gutpela.

Tasol muvi i soim olsem i gat ol misinari we i gat intres long rekotim na sevim laip, kastom, kalsa na pasin tumbuna bilong pipel, na long dispela, ol Bogenvil pipel i ken tok tenkyu long Pater Patrick long en.

Dokta Garnier na ol sumatin long UPNG bai holim wanpela bikpela At So long ol tumbuna kalsa, klasa na atifefts bilong Bogenvil long yia 1914, em long tupela yia i kam tasol.



Ol kendidet bai grisim yu wantaim swit loli

TAIM bilong nesanel ileksen i kamap klostu pinis, na planti kendidet i statim pinis kempen long kainkain rot na pasin bilong ol.

Lo i tambu long noken kempen yet inap mun Epril.

Ol kendidet husat i laik sanap resis long 2012 ileksen i stat pinis long tokaut na soim pasin raun we yumi ken lukim olsem em sain bilong kempen. Tasol em taim bilong em nau na i hat long stopim ol bikos olgeta kona bilong Papua Niugini em ol kendidet na sapotas i mekim olsem pinis.

Sampela Minista na ol memba bilong palamen nau i statim kempen pinis we ol go sanapim ol projek na sampela kain wok o han mak insait long ol ilektoret pinis. Em kempen ya. Sampela sanapim poto na piksa bilong ol antap long sampela kain komyuniti toktok o lotu toktok. Em kempen ya. Nau yumi harim wanpela



meri lida i tokaut olsem ol bai putim aut nem bilong olgeta memba bilong palamen husat i no bin votim dispela Lo bilong ol meri long givim ol 22 sia long haus palamen. Dispela em mak nogut stret long ol lida na memba bilong palamen tude. Tingim tasol namba bilong ol meri we ol no inap votim ol memba nau ya na votim ol nupela lain.

Mi bin tok pinis long dispela kolum long las yia olsem sapos ol meri i no amamas long dispela Lo bilong ol we palamen i no inap kamapim, tru tumas ol bai birua long ol dispela memba nau. Ol bai votim narapela man olgeta. Em nau yumi harim long maus bilong meri lida Janet Sape olsem ol meri bai putim aut nem bilong ol dispela lain memba

na no inap votim ol.

Yumi no save ol dispela lida husat i no bin votim Lo bilong 22 sia bilong ol meri long palamen bai tok wanem long ol meri long Papua Niugini. Pasin bilong kainkain gris toktok, givim mani na kilim pik mas kamap yet ya bikos bai yu winim bel isi na wanbel bilong ol meri long PNG olsem wanem?

Nau em taim bilong kilim pik na kau na mumu long olgeta hap kona we ol kendidet bai raun long mekim kempen. Ol kendidet wantaim planti mani na bikpela bisnis em ol bai kam hevi stret wantaim kaikai na kago long amamasim na winim ol sapota.

Gutpela tru long Trenspersensi Intanesenel (TIPNG) bin kamapim wanpela awenes kempen go aut nau long pasin bilong kamapim gutpela na klinpela kempen. Na tu pasin bilong yumi manmeri mas vot gut

bikos kantri bilong yumi PNG i gat bikpela nem nogut long pasin korapsen o stil na bagarap insait long kantri.

Dispela kempen i sut long yumi mas makim gutpela lida. I no lida we i kam grisim yumi wantaim mani na kaikai o kago long kisim vot tasol. Lida i mas man husat bai pait hat long kisim sevis na developmen i kam long sevim pipel. Ol sevis olsem edukesen, helt, rot na bris, ples balus, stretim Lo na Oda hevi, kamapim rot bilong kirapim bisnis long ples na komuniti na planti arapela samting we pipel bai kisim helpim long en longpela taim.

Wanpela gutpela tok TIPNG i tokaut em olsem, tingim gut. Sapos kendidet i tromoi bikpela mani long taim bilong kempen, em bai tingim long kisim bek mani bilong em sapos em winim ileksen na kamap memba. Na mani bilong mekim wok long helpim yu we?

WANTOK KOMENTRI

Pablik na praivet pasin bilong lida i no wankain

TAIM ol lida bilong yumi i mekim wok, na ol i stap long ai bilong yumi pipel, pasin bilong ol em i wanpela. Na taim ol i stap ol yet, na sindaun holim glas wiski, pasin bilong ol em i narapela.

Toktok bilong ol em i wankain.

Insait long tupela mun i go pinis, bikpela belkirap i kamap namel long ol lida bilong yumi, long nid i stap long surukim taim bilong nesanel ileksen.

Maski Praim Minista Peter O'Neill i wok long go aut long pablik na tok olsem em yet, na gavman bilong em i no laikim ileksen taim bilong suruk i go long bihain, ol memba long gavman bilong em yet i wok long tromoi toktok i go kam olsem ol i mas surukim taim bilong ileksen, bikos ilekotral komisina i no redi long karimaut ileksen.

Bai yumi ting wanem long dispela?

Olgeta savemanmeri bilong yumi long pablik, ol i sanap na givim tingting bilong ol pinis.

Sampela em ol loya manmeri, na sampela em ol lida long sivil sosaiti.

PNG Ilektoral Komisina, Andrew Trawen, i tok em i hat long ol i surukim taim bilong ileksen.

Em i tok olsem, bikos mama lo bilong kantri i tok klia long wok taim bilong ol lida bilong yumi long palamen.

Mama lo i tok olsem ol lida i mas holim wok inap long faivpela krismas tasol, we bihain long en, i mas i gat ileksen i kamap long sekim strong bilong ol lida i holim ol sia, long stap yet, o nogat.

Dispela pasin bilong ileksen, em i as tru long pasin demokrasi we yumi ol pipel yet, i holim pawa bilong votim lida yumi yet i laikim.

Dispela pawa, em i save kisim strong long wanpela taim tasol. Em long taim bilong ileksen.

Tasol olgeta dispela toktok i kamap long we? Mista O'Neill i wok long tokaut strong olsem em i no laik pulim ileksen taim i go moa. Em i tok em i laikim bai ileksen i kamap.

Tasol watpo ol arapela memba bilong gavman i wok long strongim kona long ol i mas surukim taim bilong ileksen.

I gat planti samting i kamap insait long las tupela mun, we ol lida i ken yusim bilong surukim taim bilong ileksen.

Dispela wik, yumi lukim narapela traim gen, we i kam long Spika bilong Nesanel Palamen, Jeffrey Nape.

Nau yumi mas askim, watpo na Spika bilong Palamen nau i kamaut na strongim bilip olsem ol lida long palamen i ken surukim taim bilong ileksen?

Nogut yumi wok long harim bihainim toktok i kamap long pablik, long maus bilong wanpela bosman, na ol arapela namba tu na namba tri bosman i wok long karimaut wok tru bilong olgeta yet.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Portion 445, Kanage Street, Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Bainimarama i bungim ol Vanuatu lida pastaim long MSG miting

Interim Praim Minista bilong Fiji, Frank Bainimarama, i mitim pinis Presiden bilong Vanuatu, Lolu Abbil, na Praim Minista Sato Kilman long kapi-tel Pot Vila.

Ol ripot i kam long hap i tok Commodore Bainimarama, husat i stap wiken long Vanuatu, i namba wan siaman bilong Melanesian Spiahet Grup long raun i go lukim MSG Sekreteriet.

Ripota bilong Radio Australia, Alain Simeon, i ripot long Port Vila dispela lukluk raun i kamap wanpela mun pastaim long MSG lida miting, em bai kamap long Suva, Fiji.

Em i bungim ol wokmanmeri bilong Sekreteriet long Sarere, na bungim tu menesmen komiti i rereim Fiji miting.

Kamap bilong en long Opis bilong MSG, Alain Simeon i tok, ol sif bilong Malandra Provins i bin holim wanpela pasin kastom seremoni long tok welkam long lida bilong Fiji.

Wanpela US soldia i kilim ol pipel long Afganistan

PRESIDEN bilong Afganistan, Hamid Karzai, i autim bikipela belsori bihain long wanpela Amerika soldia i bin kilim 16-pela ples manmeri.

Ol NATO soldia i holim kalabus pinis dispela soldia, husat ol i bilip i bin sutim dai ol pipel long haus bilong ol insait long Kandahar provins.

Wanpela tokman bilong Intanesenel Sekyurit Asistens Foses insait long Afganistan, Jeneral Carsten Jacobson, i tok ol wok wantaim ol Afgan atoriti long painim moa long dispela ol kilim dai.

Ol i bilip dispela Amerika soldia, husat i bungim sampela kain 'hevi long het', i bin lusim beis na taim em i go bek long

beis, ol i givim em yet long ol atoriti na nau em i stap long rumgat.

Ol wok painimaut i wok long kamap nau long we na watpo dispela ol kilim dai i kamap.

Ol ples manmeri long hap i bung long Panjwaj distrik klostu long beis long protes long dispela ol kilim dai.

Darwin ditensen senta i lukim planti moa pipel i laik suisait

WANPELA asailam sika etvokasi grup i tok namba bilong ol pipel i traim long kilim ol yet insait long Darwin Imigresen Ditensen Senta i go antap.

Darwin Asailam Sika Sapot na Etvokasi Netwok i salim singaut i go long Australia gavman long pasim ditensen senta nau.

Tokmeri bilong Netwok, Fernanda Dahlstrom, i tok tupela man bilong Iran i bin traim long kilim ol yet long Darwin senta long Sande moning.

Em i tok tupela man ya i stap longpela taim long senta na em i tok tupela i ken wetim dispela ol asailam pepa ausait long senta.

Mis Dahlstrom i strongim ol belkrai bilong ol olsem ol i mas pasim kwik dispela senta.

Annan i bilip yet bihainim ol toktok wantaim presiden bilong Syria

MAN husat i bin UN Sekreteri-Jeneral bipo, Kofi Annan, i bin stap long Syria olsem wanpela spesol tokman bilong UN na Arab lig, tasol em i no bin inap long pasim wanpela dil long pinisim ol pait long hap.

Tasol Mista Annan i tok em i bilip ol samting bai senis bihainim namba tu miting wantaim Presiden bilong Syria, Bashar al-Assad.

Dispela tokaut bilong en i bin kamap taim em i tokim ol midia

olsem ol i tok orait long sampela plen bilong stopim pait. Em i tok dispela ol toktok, sapos ol i wanbel long en, bai halivim ol gutpela tingting na wok rere long pinisim ol trabel long kantri.

"Ol toktok bilong mitupela i pas moa long ol bikipela astingting bilong dispela wok stretim, long pinisim olgeta pasin pain, na opim rot bilong ol humanitarien ejensi na kirap bilong politikal toktok i go het," Mista Annan i tok.

Lida bilong Syria, Presiden Assad i no bin mekim wanpela bekim o toktok long dispela miting wantaim Mista Annan. Ol lain i save was long wok politik long hap i bilip wanpela 'pis dil' insait long Syria i stap longwe yet.

Australia PM i tingim tu sunami long Japan

RIPOT i kam long Palamen Haus long Kenbera i tok Julia Gillard i bin namba wan ovasis lida long go lukluk long ol eria bilong dispela bikipela disasta long Japan.

Em i toke m i bin lukim bikipela bagarap tru long ol vilis long

nambis bilong Minami-Sanriku, we solwara i bin rausim olgeta samting long taun.

Julia Gillard i bin tok em i no inap lus tingting long planti samting i bin bagarap na lus, na tu, em i no inap lus tingting long we ol pipel bilong Japan i bin soim taim ol i stat long wokim na stretim bek laip na sindaun bilong ol.

Praim Minista i tok strongpela bilip na hatpela wok bilong ol pipel long Japan i mekim pipel bilong Australia i tingim ol moa.

Vais Sif Difens Fos Ea Masel, Mark Binskin, na Sif Suprintenden bilong Nu Saut Wels Paia Briged, Rob McNeil, i bin makim Australia long dispela memorial sevis long Minami Sanriku.

Tingting long senisim refuji loa

TINGTING i kamap nau long kamapim senis long Maigresen loa long Australia.

Imigresen Minista bilong Australia, Chris Bowen, i bin tok em bai askim olsem

Labor i sapotim praivet memba bilong indipenden memba, Rob Oakeshott bilong traim long stretim dispela rot nau i pas namel long tupela bikipela pati long dispela wari bilong ol refuji Indipenden Memba bilong Lyn, i bin kamapim dispela praivet memba bil, em namel long em kamapim senis long Maigresen loa bilong gavman na oposisen, olsem wanpela we long bringim bek plen bilong stretim pepa wok bilong ol refuji ausait long Australia.

Gavman i bin laikim olsem wok bilong stretim pepa wok bilong ol refuji i mas kamap long Malesia na Papua Niugini, na Oposisen i bin laikim ol i stretim ol long Nauru.

Chris Bowen i bin tok olsem dispela i wanpela rot ol i mas lukluk strong long en.

"Dispela i soim gutpela bilip pipel i ken kisim i kam long dispela bung, Mista Oakeshott i wanpela indipenden memba i tok long lukluk long tupela sait sapot bilong prosesim ol refuji ausait long kantri, tasol mipela i mas lukluk bihainim dispela loa i kamap."



Empera Akihito tingim guria na sunami

LIDA SOIM BELSORI: Empera bilong Japan, Akihito, na Empres Michiko i soim belsori bilong ol long wanpela lotu ples long memorial sevis long Tokyo long namba wan enivesari long Mas 11, 2011 taim bikipela guria na sunami i bin paitim Japan.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Dresap olsem kaikai

OL lain danismanmeri i danis long san long Moomba Festival pareid we i save kamap olgeta yia. Dispela yia, em i kamap long Mas 12.



Balun i givim kala long Kenbera

OL traipela balun i givim kainkain kala long biktaun bilong Australia, Kenbera (Canberra), long fran bilong olpela Palamen Haus long makim enual balun festival long longpela wiken long Mas 10 i go 12.



Dai bilong ol manmeri long Afganistan

WANPELA man Afganistan i kra i long ol lain wantok manmeri bilong em i dai, taim wanpela soldia bilong Amerika i kilim ol nating. Ol lain manmeri i karim ol bodi bilong ol daimanmeri long baksait long wanpela trak long Alkozai viles long Panjawavi distrik, Kandahar provins long Mas 11, 2012.



Kasol long Slovakia i lus long paia

DISPELA kasol, nem bilong en Krasna Horka, long Slovakia, i bin lus long paia las wik. Pls Krasnohorske Podhradie klostu long Roznava em ples we dispela kasol i sanap long en. Ruf bilong kasol i bin bagarap olgeta bihain long wanpela paia i kirap long gras i drai pinis, na i sindaun nating.



'Pisin man' i plai antap long wara Yarra

WANPELA man husat i stap insait long resis long plai antap long wara Yarra, i soim tru tru kala bilong en insait long Moomba Festival long Mas 11, 2012.



Ol Siapan i tingim sunami birua

WANPELA liklik meri na mama bilong em i sanap long Arahama nambis na prea na tingim ol lain turangu i lusim laip na kisim bagarap bihainim bikpela guria i kamap long 2011 long Sendai siti, insait long Miyagi prifeksa long Mas 11. Japan i makim namba wan yia long Mas 11 na tingim samting olsem 19,000 manmeri husat i bin lusim laip bilong ol long noten Japan.

YUMIFM Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wangepela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

Australia Wik pinis wantaim Stail



YUMIFM National Weekly Hit Parade. Produced & Host by: Kasty. Table with columns: Week Before, Last Week, This Week, Charting Song, Artist.

EMTV Television Guide

FONDE 15 MAS, 2012

5.00 AM G JOYCE MEYER. TODAY
5.30 AM G TODAY
8.30 AM BROADCAST
12.00 AM EMTV
12.30 PM MIDDAY NEWS AUSTRALIAN NETWORK

9.30 PM G ELITE MUSIC ZONE NATIONAL EMTV NEWS REPLAY

11.30 PM - Australia Network -
FRAIDE 16 MAS, 2012
5.00 AM G JOYCE MEYER. TODAY
5.30 AM G TODAY

NEWS REPLAY 11.30 PM - Australia Network - SARERE 17 MAS, 2012

6.59 AM STATION OPEN
7.00 PM ULTIMATE GUINNESS WORLD RECORDS
8.00 AM G NAMASTE YOGA: Innovative series combining stunning photography and original music

THE SEEKER: A CAPTIVATING ACTION-ADVENTURE TV SERIES

In a mystical land, Richard Cypher discovers his true destiny as he, a mysterious young woman, a wise old wizard and a magical sword take on the evil Dark-hanRahl.
8.30 PM DESPERATE HOUSE WIVES: SOCCER REPLAY
11:30 PM NATIONAL EMTVNEWS REPLAY
12:00 PM - Australia Network -
SANDE 18 MAS, 2012
6.29 AM STATION OPEN
6.30 AM G IT IS WRITTEN

7.00 AM G HILLSONG

Join Pastor Brian Houston every Sunday morning as he teaches to changes mindsets and empower people to lead and impact every sphere of life.
7:30 AM G CHIT CHAT with Sir Paulias Matane Tune in every Sunday Morning and be inspired by Sir Paulias as hedelivers inspirational stories, including guest interviews.
8:00 AM G NAMASTE YOGA: BLISSFUL BLOSSOM
8:30 AM G AUSTRALIAN NETWORK RESOURCE PNG (REPEAT)
10:00 AM G AUSTRALIAN NETWORK RESOURCE PNG (REPEAT)
11:00 AM G AUSTRALIAN NETWORK ONE DAY CRICKET -

TORO



BIABIA



KANAGE



TOKWIN

Ren wasim Mosbi
 TRIPELA de nau ren i kam daun bikpela long Mosbi siti, long Tunde nait ren kam daun wantaim laitning.
 Planti manmeri na ol pikinini laki long stap pinis long haus na dispela bikpela ren kam daun, long moning planti stori kam olsem sampela bikpela birua kam long dispela bikpela ren.
 Mosbi siti nau kisim taim long rot, bikpela fri wei save helpim trefik nau i pas long

wanem dispela bikpela ren i brukim kalpet na brukim fri wei go tupela hap.
 Kar tu long Mosbi i pulap olsem na rot nau i go liklik, planti manmeri na pikinini i stat long wok-about go long haus long taim skul na wok pinis, tasol dispela i no stopim ren long kam daun.
Bikpela pes bai hat long hait
 SAPOS yu bikpela pes long wanpela kantri na olgeta manmeri save long nem na pes bilong yu, dispela bai hat tru long yu long

hait.
 Bikpela pes bilong yumi long Papua Niugini go raun long ovasis na mekim wanpela bikpela samting o rong, dispela bai hat long em haitim em yet ya, planti bai kolim nem bilong em na kantri em kam long en.
 Wanpela bikpela pes bilong kantri bilong yumi nau traim long stretim nem bilong em, taim nius kam antap long kantri bilong yumi olsem em mekim wanpela rong long ovasis.
 Tokwin tasol

B	A	L	A	N	D	E	F	G	T	U	P	K	L	E	I	
F	E	R	E	J	O	C	V	J	S	B	H	H	U	D	J	O
A	W	E	L	E	P	K	E	H	M	G	E	L	T	B	A	H
G	O	L	T	F	E	J	U	L	M	E	B	E	A	I	A	
I	H	J	O	S	H	L	K	W	O	H	E	K	J	E	T	
R	H	T	O	U	A	E	L	O	G	E	H	P	I	I		
I	B	E	D	J	E	A	T	E	C	V	A	A	D	P	I	
A	F	E	L	O	A	S	G	E	N	F	W	H	G	W	L	H
T	B	E	J	N	A	F	A	O	P	E	U	L	M	A	P	O
I	U	O	T	S	M	O	P	O	L	E	H	V	J	T	I	A
A	T	W	U	S	L	U	S	H	I	F	S	B	W	J	A	T
S	S	A	L	J	M	E	A	L	T	T	E	D	A	L	A	T
F	E	A	F	N	Y	E	U	A	O	R	E	F	E	U	I	I
O	U	B	E	F	P	D	E	K	C	A	E	F	A	A	A	A
A	E	S	L	E	S	T	S	E	M	T	T	M	F	I	D	
A	E	S	D	E	F	E	F	E	V	S	T	A	E	D	A	
S	E	H	T	S	T	M	F	E	L	A	E	A	D	A	P	L

Prision ol dispela saka makim.

BAL	bikpela	bikpela	Pala	sil
FELDA	peleka	romat	gea	raude
COL	gola	kokopa	hetem bal	wonka pot
ROSA	lic	malpela	ofaet	malasip
PJUALTI	bepe	abepala mel	gallim bal	atolic
JTRAJKA	sil	aispu	wtuga	wena

3			7			2		
				3			1	6
	2	9	5	1		8		
4		2			6		3	5
	6	5				4	2	
9	3		4			6		8
		8		5	7	3	4	
	7	3		4				
		6			2			1

5	6	4	1	9	8	7	3	2
8	1	3	2	5	7	9	6	4
9	2	7	4	3	6	1	8	5
6	4	5	7	2	1	8	9	3
2	7	9	3	8	4	6	5	1
1	3	8	5	6	9	2	4	7
4	5	6	8	7	2	3	1	9
3	8	2	9	1	5	4	7	6
7	9	1	6	4	3	5	2	8

Ansa bilong las wik Sudoku

Ansa bilong las wik Pasol

J	A	P	A	N	D	G	Y	P	O	T	U	G	A	L	H	K
F	E	R	S	A	S	K	O	T	L	A	N	N	U	I	J	U
S	W	I	D	E	N	K	E	N	X	C	B	N	T	S	W	K
S	A	I	R	E	I	G	Z	U	L	M	I	K	E	A	I	A
I	I	P	F	S	D	E	V	K	W	J	N	M	K	I	H	I
R	N	T	K	U	J	E	E	A	D	A	O	O	I	N	I	L
I	R	E	W	I	E	X	S	L	E	W	R	D	O	A	P	A
A	M	G	L	O	M	S	P	E	N	P	W	M	A	K	L	N
E	R	A	S	I	A	B	K	D	F	U	E	C	R	N	P	O
M	U	O	I	S	N	B	P	O	L	A	N	V	Y	O	N	N
A	T	P	U	S	I	U	S	N	P	H	S	B	X	J	A	A
L	S	A	I	P	R	A	S	I	T	K	U	B	A	S	L	L
A	I	A	N	E	Y	E	U	A	O	R	Y	X	M	U	I	E
Y	U	W	L	I	B	I	A	D	K	I	I	I	E	F	S	S
A	P	A	L	E	S	T	A	I	N	T	S	T	R	P	U	I
S	C	S	E	K	O	S	L	O	V	A	K	I	A	L	N	W
N	A	I	J	I	R	I	A	Y	K	A	N	A	D	A	J	S

EMTV Television Guide

5:00 PM	PACIFIC WAY	3:00 PM	NETWORK	8:00 PM	G	DAYS THAT SHOOK	6:00 PM	G	NATIONAL			
6:00 PM	NATIONAL EMTV NEWS	3:00 PM	KIDS KONA			THE WORLD..			EMTV NEWS			
6:30 PM	ONE DAY CRICKET -	3:30PM	HI-5	TUNDE 20 MAS, 2012						6:30 PM	G	ONE DAY CRICKET -
9:00 PM	G LOVE PATROL	4:00 PM	PYRAMID	5:00 AM	G	JOYCE MEYER.	10:00 PM	G	NATIONAL			
9:30 PM	PGR MOVIE:	4:30 PM	THE SHAK	5:30 AM	G	TODAY			EMTV NEWS			
11:00 PM	G CHIT CHAT(Repeat)	5:00 PM	KITCHEN WHIZ	9:00 AM	2012 -	CLASSROOM BROADCAST	11:00 PM	-Australia Network-	REPLAY			
11:30 PM	G HILLSONG(Repeat)	5:30 PM	HOT SOURCE	12:00 AM		EMTV MIDDAY	11:00 PM		THE WORLD			
11:35 PM	G NATIONAL EMTV NEWS REPLAY	6:00 PM	MILLIONAIRE	12:30 PM		NEWS			AROUND US			
00:35 AM	- Australia Network -	6:00 PM	HOT SEAT.			AUSTRALIAN	TRINDE 21 MAS, 2012					
	MANDE 19 MAS, 2012	7:00 PM	NATIONAL EMTV NEWS	3:00 PM		NETWORK	5:00 AM	G	JOYCE MEYER.			
5:00 AM	G JOYCE MEYER.	7:00 PM	RESCUE SPECIAL OPS	3:00 PM		KIDS KONA	5:30 AM	G	TODAY			
5:30 AM	G TODAY	8:00 PM	TOK PIKSA <i>Looking back at News and stories makings headlines in the country</i>	3:30PM		HI-5	9:00 AM		CLASSROOM			
9:00 AM	2012 - CLASSROOM BROADCAST <i>-Begins for the Year 2012</i>	8:30 PM	G SPORTS SCENE - <i>Starts for the Year 2012.</i>	4:00 PM		PYRAMID			BROADCASTS			
12:00 AM	EMTV MIDDAY NEWS	9:00PM	G DAYS THAT SHOOK THE WORLD:	4:30 PM		THE SHAK	12:00 PM		EMTV			
12:30 PM	AUSTRALIAN	10:00 PM	G NATIONAL EMTV NEWS REPLAY	5:00 PM		KITCHEN WHIZ	1:00 PM		MIDDAY NEWS			
		11:30 PM	- Australia Network-	5:30 PM		HOT SOURCE	2:00 PM	G	AUSTRALIA			
				6:00 PM	G	MILLIONAIRE			NETWORK			
				7:00 PM	G	HOT SEAT.			ONE DAY -			
				6:00 PM	G	NATIONAL EMTV NEWS	4:45 PM		EMTV TOKSAVE			
				7:00 PM	G	HAUS & HOME #1	5:55 PM	G	CRIME STOPPERS			

Program bai senis long taim bilong en..

Raun wantaim Kanage olgeta wik



NEM: Ludwick Monduk
KRISMAS: 25 (man)
ADRES: C/- Clerance Kombukun, PO Box 302, Kimbe, West New Britain Provins
SAVE LAIKIM: Rit, mekim pani, wok, pilai, harim musik, lukim TV na mekim poroman.

NEM: Monita Raio
KRISMAS: 22 (meri)
ADRES: Lae Ever Green, PO Box 167, Lae Morobe Provins
SAVE LAIKIM: Go Lotu, RitimBaibel, pilai gita, singsing, mekim poroman, pilai ol bol gem, wok long gaden, wasim ol klos na raitim pas.

NEM: Womie Ben- Efore
KRISMAS: 26 (man)
ADRES: C/- Christ For The Nations, PO Box 1332, Lae, Morobe Provins PNG
SAVE LAIKIM: Lainim tok ples, senisim presen, harim musik, gaden na painim wanpela poromeri long stap wantaim oltaim.

NEM: Aweqwii de Paps
KRISMAS: 24
ADRES: K- Toro Hire Cars, PO Box 111, Vanimo, Sandaun Provins
SAVE LAIKIM: Go Lotu, ritim ol buk o niuspepa na mekim pren.

NEM: Gitfty Ocloo
KRISMAS: 34 (meri)
ADRES: PO Box 35, Agona Nyakrom, Ghana - Phn: 0023354787139
SAVE LAIKIM: Raitim pas, painim wanpela man long maritim na stap wantaim oltaim.

NEM: Shirley Hori
KRISMAS: 18 (meri)
ADRES: Marinumbo Primary School, PO Box 352, Wewak, East Sepik Provins
SAVE LAIKIM: Harimm, danis, kuk, wasim klos, pilai spots, Go Lotu, mekim pani na go swimming

NEM: Sharon Tatapai
KRISMAS: 15 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Go Lotu, lukluk CD na pilai spots.

NEM: Nasain Kalvin
KRISMAS: 14 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Pilai Spots, Go Lotu, Lukim CD na rit planti

NEM: Karl Pewa
KRISMAS: 30 (man)
ADRES: Semoroks Gospel Club, PO Box 3368, Lae, Morobe Provins.
SAVE LAIKIM: Stap wantaim Jisas, Pilaim gospel musik na laikim kristen Lutheran meri o arapela sios meri husat igat strongpela tingting long pilaim musik bilong God.

NEM: Darren Kalvin
KRISMAS: 15 (man)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Lukim CD/Pilai Spots na Ridim buk

Kanage i wokabout

WANPELA taim Kanage i stap long Erave na wokabout i go long Kagua. Turangu nogat mani long baim PMV so em kilim skin long wokabout long lek.

Tuhat na sun kukim em tasol em i go yet. Namel long rot, em i lukim tupela pisin i stap long diwai, Kanage kwik taim tasol em i kisim sling sot na em sutim tupela pisin. Long wanpela ston tasol em i sutim tupela pisin i go daun. Em kisim tupela pisin na em stat long wokabout. Taim Kanage i wokabout i stap, wanpela kar i kam. Kwik taim tasol Kanage i stopim kar ya na em i kam stop.

Driva i kirap na askim Kanage, Why did you stop the car? Don't say, why did, me laikim kar. For what reason? Hire bases, yu laik to see me gat tupela pisin i hat long karim. Draiva i kirap na askim Kanage. How much for hire? Kanage kirap na tokim driva ya, hayarim long wan silin tu silin.

Kanage putim tupela pisin long bek-sait long kar na ol tek op i go. Taim kar i ron i go yet, foapela taya bilong kar i pans. Kwik taim tru driva i kam ausait long kar na askim Kanage; hey! Yu karim sampela malala o skin diwai na mekim o? Kanage kirap tokim driva ya, "luk, hevi bilong tupela pisin ya i mekim i winim hevi bilong tupela kau, na matala bisnis. Yu blem the two pisin. Yu dispela a driva i ekting stret na yu putim gia bilong yu long 60 i go ap 20 rives ya na foapela taya bilong yu pans i go daun". Kanage kirap na tokim driva ya, Driva olsem em right ah?

Yu kisim taim tu, mi tu kisim taim tu na ikwals Bam Bam— Driva i belhat na



em i rausim Kanage i go daun long kain toktok bilong en.

**Martin Ipitango
Galu Erave
S.H.P**

Maunten paia

Maunten paia long Manam na wesani pundaun long olgeta hap. Planti tru i pundaun long gras kantri long Angoram distrik.

Olgeta sak sak kanu i pulap long wesani. Monin tru ol meri long ples ol i bung na stori long wanem samting i kamap.

Taim Kanage i harim olsem em i tokim meri bilong em. Em nau ples nogut bilong ol sin man i paia pinis long hel. Nau yumi lukim das bilong ol bun bilong ol i kam long yumi.

Dai man i pundaun kam daun na wasim yumi.

Bai yumi i no inap dai moa na tu bai nogat las de moa. Bai yumi stap long ples long de taim tasol na wetim ol man i dai tasol na wetim ol man i dai bipo bai tromoi tin pis na rais kamdaun long yumi olsem dispela wesani i pundaun nau ya.

Taim ol meri harim ol kon stori bilong em, ol i kalap kalap na paitim han na ol i singaut, "Hepi gut de Kanage. Wis yu ol the bes. Lip fo eva mo. Hel i pinis na heven i kamap."

**Carl Lenua
Samban base.**

Longpela bet

Kanage slip antap long longpela bet

Boipren i bikhhet long mi.

Dia Laipain

Mi wanpela sumatin meri i gat 19 kris-mas na wokim Gret 12 long Sekonderi skul.

Mi gat boipren pinis we mitupela i bin bung taim mipela i wokim Gret 3. Bikos long skul, mi nau stap long narapela provins.

Taim mi skul i stap long narapela provins, kasen susa bilong mi i tokim mi olsem em i raun wantaim boipren bilong mi. Mi wari na sori nogut tru taim mi harim dispela nius. Taim mi go long Krismas malolo, mi askim boipren na em i tok dispela nius em i tru. Taim em i toktok, em i lukluk stret long ai bilong mi na em i tok mi olsem mi namba wan lewa bilong em stret na oltaim bai mi stap olsem gel bilong em.

Long mi tu, em i namba wan boipren mi gat na em tu i bin katim lewa bilong mi. Na mitupela i bin promis olsem bai mitupela i marit taim mipela i pinisim skul. Kasen bilong mi i tokim mi long lusim em tasol mi painim hat long lusim tingting long em, maski em bin tok em bin raun wantaim kasen susa bilong mi.

Plis helpim mi.

Undecided Lover

Dia Pren

TENKYU long serim wari bilong yu wantaim mipela. Mipela i sori long ritim stori bilong yu na mipela i luksave long no amamas bilong yu wantaim longpela taim boipren bilong yu.

Pren, mipela i save kisim ol wankain pas long planti meri wantaim dispela kain wari. Mipela i luksave olsem bikos yutupela i poroman longpela taim, em i no isi long luksave olsem em i wok long lukim



narapela meri. Na i no narapela meri tasol kasen susa bilong yu.

Yu wok long painim hat long lusim em bikos olsem yu tok, em i namba wan boipren bilong yu. Na yutupela i bin tok promis long marit bihain long yutupela i pinisim skul. Yu pilim olsem wanem nau long dispela promis bihain long man i wokim bikhhet pasin long yu. Hau bai yu save olsem em bai em ino inap mekim ol bikhhet pasin gen? Lukim yu long ai na tokim yu olsem yu namba wan lewai mas noken mekim yu bilip olsem em i gat bikpela laik na long wankain taim, em i no stretim asua bilong em. Bai yu trastim em yet gen?

Yu tok tu olsem em i namba wan boipren yu laikim tumas na em i namba wan lewa bilong yu. Yu ting em i wokim trupela toktok taim em i tok em i gat laik long yu tasol lukim narapela husat i kasen bilong yu?

Pren, yu klia long wanem em trupela lav o laik pasin? Lav em maski wanem samting, yu mas pas wantaim na mekim gut long narapela husat yu pren wantaim. Lav i min olsem yu no tingim yu yet bikos yu tingim patna bilong yu moa yet long yu yet. Hia em tupela wod yu mas sekim na save long mining bilong ol. Em long "Lust" na "Infatuation".

Ol papamama bilong yu i olsem

insait long haus. Wanpela nait bihain long lait i of, ol haus lain i harim bikpela nois pairap long flo bilong haus.

Na olgeta i rong i go long lukim wanem samting i mekim bikpela nois stret.

Taim ol i lukluk ol i lukim Kanage i sanap isi long flo na taim Kanage i lukim ol em i hariap tru long painim ki bilong kabot bilong em.

Samting tru em, em i pundaun long flo na mekim bikpela nois.

**Hompri Primary
Morobe provins.**

Wanpela yangpela mangi wok long mekim kaikai sopin bilong en long maket. Kanage tu i bin i stap salim banana bilong en i stap. na mangi i go na askim Kanage. "Hau mas long banana bilong yu?"

Kanage em slip stap na em i no save olsem mangi i askim wanem samting stret.

Mangi i askim gen tasol stil Kanage i no mekim wanpela bekim.

Mangi i laikim banana bilong Kanage na i laikim stret long baim na em i singaut antap stret long Kanage na Kanage kirap nogut tru na tok, "AAAAAAAA.....amas"

Ebyn Seseru

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: atolire@wantok.com.pg

wanem, ol i tok orait long yu i gat boipren? Mipela i laikim yu mas tingting strong long skul bilong yu. Ating dispela i kamap long mekim yu tingting long prensip bilong yu wantaim manki ya. i moabeta yu lusim em na yu wok strong long stadi bilong yu. Sapos em i laikim yu tru, em i ken helpim yu wet inap yu pinisim skul, painim wok na bihain long dispela, plenim marit bilong yutupela.

Yu luksave olsem taim yu gat boipren yu givim yu yet moa wok antap long ol stadi bilong yu? Ol taim we yu inap long yusim long mekim stadi bilong yu gut em yu yusim long tingim na mekim ol samting i sut long boipren bilong yu. Tru tru, yu nogat wanpela samting i pasim yu wantaim dispela manki, tasol bikos yupela i bin mekim promis, yu wok long yusim taim na spes bilong yu long tingim em.

Mipela i strongim yu long serim ol wari yu gat wantaim ol narapela gutpela pren o papamama na ol i ken helpim yu. Sapos yu memba bilong wanpela sios o lotu, i moabeta yu go lukim Pasto long givim yu sampela gutpela stiatok.

**Mi Pren bilong yu
Laipain**

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.
Laipain

PNG pulim planti maining kampani

PAPUA Niugini (PNG) em i wanpela kantri insait long Esia-Pasifik rijen, we em i pulap tru long ol mineral risos olsem gol, kopa, silva na ol arapela kain mineral tu, na dispela i wok long pulim planti kampani long kam insait.

Las wik, wanpela maining invesmen konfrens i bin kamap long Toronto, Canada (Kenada), na moa long 50,000 manmeri long dispela bung, husat i kam long kain kain kantri, i bin soim bikpela amamas na laik long kam mekim maining bisnis o inves long PNG maning industri.

Minista bilong Maining, Byron Chan, i bin go pas long kisim maus manmeri o delegesen bilong PNG gavman i go long dispela bung.

Chan bai bung gen wantaim ol maus man bilong PNG maining industri long toktok long ol samting i bagarapim maining industri long kantri.

Ol gavman wok manmeri husat i joinim Chan long makim PNG em i Sekretari bilong Mineral Polisi na Jio-Hasads Menesmen Dipatmen (DMPGH), Nelly James, na ol arapela bikpela wok manmeri bilong Mineral Risos Atoriti (MRA). PNG


Semba bilong Mains na Petroleum (PNG Chamber of Mines & Petroleum) i makim maus bilong maning industri long kantri.

Ol maining kampani long PNG olsem Papuan Precious Metals Corporation (PPM), Marengo, Katana Iron na Frontier Resources i bin go long dispela bung tu.

Moa long 50,000 manmeri i bin go long dispela bung na bkona bilong PNG i bin pulim moa manmeri stret. Dispela i minim planti kampani o investa i bin soim bikpela laik long kam insait na mekim maining bisnis hia.

Ol manmeri o visita long kona bilong PNG long dispela bung i bin askim wanem kain graun, ston na mineral PNG i gat, olsem wanem long kisim eksploresen laisens, na wanem kain maining polisi na loa PNG i gat, na ol arapela askim tu.

Planti ol biknem maining na petroleum kampani long PNG i kam long Kenada em InterOil Corp (Gulf LNG Project), Barrick Gold Limited (Porgera), Nautilus Minerals (Solwara 1), New Guinea Gold Corp (Mt Sinivit), na nupela eksploresen kampani Papuan Precious Metals Corp.



MAINING BUNG...Tupela wokman bilong MRA i toktok wantaim wanpela visita i kam long kona bilong PNG long bung bilong maining long Toronto, Kenada. Foto: Keneth Avira, MRA Pablik Rilesen



GUTBAI...Praim Minista Peter O'Neill i givim wanpela presen long Ambesada bilong Austria i kam long Pasifik Ailan, Dokta Hannes Porias.

O'Neill tok gutbai long Ambesada Porias

PRAIM Minista Peter O'Neill i tok gutbai long Ambesada bilong Ripablik bilong Austria i kam long Pasifik Ailan, His Ekselensi, Dokta Hannes Porias, long Morauta Haus las wik Trinde.

Dokta Porias, husat i bin stap long Kenbera (Canberra), Australia 5-pela yia olgeta, bai nau go bek long kantri bilong en yet, Austria long Yurop.

O'Neill i tok tenkyu long Dokta Porias long em i bin kamapim stretpela pasin long kamapim gutpela diplomatik poroman wantaim Austria na ol Pasifik Ailan kantri bikos nau em save gut long ol isu o samting i kamap long Pasifiki Ailan, na tu long

"Makim maus bilong gavman na pipel bilong Papua Niugini, mi tok tenkyu long yu kam sevim 5-pela yia long dispela rijen wantaim stretpela pasin, na mi tok amamas long yu long bihain taim bilong yu.

"Mipela tok tenkyu long longpela taim tru yu stap long Pasifik Rijin, na nau mipela i lukluk go het long kamapim ol gutpela toktok long mekim gutpela samting namel long tupela kantri bilong yumi," O'Neill i tok.

Taim tupela i toktok, Ambesada Porias autim tingting bilong Gavman bilong Austria, husat i gat amamas long kamapim haidro pawa long PNG.

O'Neill i tok PNG olsem liklik kantri, i nau tingting

strong long yusim gut pawa i kam long haidro-eneji.

"Kantri bilong mipela em i liklik na mipela i laik yusim haidro-pawa, we em i gutpela tru bikos em bai no nap bagarapim bus, wara na graun. Sapos i gat sampela sans long Austria i ken halivim mipela, orait mipela bai amamas nogut tru long yumi sindaun na toktok gut long lukluk i go insait long en.

"Kantri bai go insait long ileksen klostu taim tasol, na taim nupela gavman i stap, mipela i bai stretim gut ol samting long kamapim moa toktok long dispela haidropawa," O'Neill i tok.

Tupela lida wantaim i toktok tu long ol politikel hevi kamap long Fiji.

NFA lonsim nupela Websait

Aja Alex Potabe i raitim

NESENEL Fisheris Atoriti (NFA) i nau gat nupela websait bilong en yet na olgeta samting ol i save yusim pepa na pen long mekim wok bipo bai nau kamap isi tru wantaim dis-

pela nupela sait.

Planti ol nupela kampani husat i laik kam painim pis long solwara na maunten wara bilong PNG i save painim hat long wet longpela na bihainim longpela proses long kisim pisin laisens.

Menesing Dairekta bi-

long NFA, Sylvester Pokajam, husat i lonsim dispela websait i tok, nau dispela atoriti bai kamapim planti ol gutpela samting bikos dispela websait bai mekim isi long mekim olgeta samting

"NFA bai putim moa tok-tok long larim ol manmeri,

nupela kampani na gavman i lukim na save long wanem samting mipela i mekim. Dispela websait bai kamap olsem wanpela databeis, we olgeta samting NFA i mekim long en bai stap long dispela websait na ol manmeri i ken lukim o kisim dispela tok-

tok long wanem hap ol i stap," Pokajam i tok.

Em i tok NFA i laikim ol manmeri, kampani o gavman long yusim dispela websait long kamapim gutpela poroman na wokbung long lukautim ol pis long wara bilong yumi, na tu mekim pis bisnis gut aninit long loa bilong kantri.

"Mi laikim olgeta kam-

pani husat i save painim pis long kantri long bihainim loa. Olgeta polisi na loa bilong panim pis long PNG na Pasifik Ailan kantri husat i Pati bilong Nauru Agrimen (PNA) memba," Pokajam i tok.

Dispela websait i bin bagarap long 2002 tasol ol i stretim gen na nau em bai hariapim ol wok bilong NFA.

Liklik Bisnisman



Balun bilong helpim long solwara

Nicky Bernard i raitim

BENSON Kaupa save stap long bikpela Ela nambis long Pot Mosbi olgeta de, na wok bilong em long salim ol balun long ol mangi taim ol i go waswas.

Dispela ol balun em salim em bilong helpim ol liklik mangi husat i no save long suvim long solwara, taim holim dispela balun bai trip antap long solwara.

Benson i save raun long dispela bikpela nambis na salim ol dispela balun long K5, taim ol dispela balun pinis em save kam bek long Gordons na baim nupela.

"Mi save raun olgeta de,

Sande i go long Sande, bikos dispela em liklik wok bilong mi," Benson i tok.

Planti ol mangi save go painim em long baim ol dispela balun bilong em. Sampela taim em i save salim ol narapela samting bilong ol mangi long pilai long wesana long nambis.

Benson i save wokabaut long wanpela sait long nambis i go long narapela sait long nambis long salim ol dispela samting bilong em.

Dispela bikpela nambis long Pot Mosbi save pulim planti famili long go malolo na pilai long taim bilong wiken. Dispela taim Benson i save mekim gut mani long liklik bisnis bilong em

IPBC gat bisnis plen

INDEPENDEN Pablik Bisnis Koporesen i nau gat koporet Bisnis Plen bilong yia 2012, bihain long Nesenel Eksekutiv Kaunsil (NEC) i bin givim tok orait long en.

Minista bilong Pablik Entaprais, Sir Mekere Morauta, i tok, dispela em i namba wan plen insait long 10-pela yia, we IPBC i bin ron, maski loa bilong IPBC i tok orait long em i mas gat plen. Na nau dispela plen bai larim IPBC ron gut.

Sir Mekere i tok wantaim dispela nupela plen, we em inap long gat long taim yet, IPBC bai ron gut long senisim gut Pablik Entaprais long larim ol winmani i kam long ol bisnis bilong gavman i ken mekim gutpela samting long senisim laip bilong ol pipel.

"Dispela bisnis plen i gat visen, misen, na ol gol bilong IPBC, na tu i givim klia tok long olsem wanem o wanem kain rot IPBC bai yusim long ron gut olsem ol arapela bisnis," em i tok.

Sir Mekere i tok O'Neill-Namah gavman i senisim lukluk bilong IPBC long givim moa sevis long komyuniti, strongim gutpela pasin gavman, lukautim gut mani, na bihainim gut ol polisi bilong gavman.

Dispela plen i gat ol nupela samting we dispela gavman i bin lukim olsem em gutpela. Em i gat nupela invesmen



Sir Mekere Morauta

plen na ol samting long mekim long ronim gut bisnis bilong gavman.

Em i tok tu olsem ol bot memba bilong IPBC i nau pinisim rivi o lukluk i go insait long skelim ol olgeta samting insait long ron ilong IPBC, we dispela kain pasin inap long kamap aninit long IPBC Act, tasol i no bin kamap i long 10-pela yia i kam inap nau.

"Em i ples klia olgeta liklik haus bisnis bilong IPBC i mas gat dispela kain plen long ron gut na mekim winmani gut. Dispela kain plen tasol i ken halivim gutpela ron bilong ol arapela IPBC han bisnis olsem Air Niugini, PNG Power, Telikom PNG Ltd, Ports PNG, Post PNG, na MVIL," Sir Mekere i tok.

Sampela man i statim ileksen kempein pinis

Michael Novingu i raitim

SAMPELA lain husat bai sanap long 2012 nesenel ileksen i stat pinis long kempein, maski loa i tok nogat long wokim kempein pastaim long mun Epril.

Dispela em i wok long kamap long hap bilong Bitapaka Lokol Level Gavman (LLG) eria long Is Niu Briten provins.

Julius Turapa em i wanpela plesman bilong Bitapaka i tok sampela kandidate husat bai resis long 2012

ileksen i stat kempen pinis, givim mani na ol narapela ol samting ol manmeri long ples wantaim ol plantesen wok lain.

Turapa i tok, pipel bilong Bitapaka i helpim long apim Ikonomi bilong Is Niu Briten long salim kopra tasol, nogat divelopmen i go long LLG bilong ol.

Em i tok, ol pipel bilong Bitapaka i pilim sem bikos long politik tasol, ol i yusim ol long wokim ol pis pon projek, tasol nau, ol pis pon i dai pinis.

Na i moabeta long larim ol

pipel i vot long kandidate ol i laikim long en.

Turapa i singaut i go long ol manmeri long tingting gut, vot long gutpela lida long go long Palamen na kisim sevis i go long ol long ples.

Samting olsem 8-pela wik i stap nau long vot bai stat, na Turapa i singaut long ol manmeri long votim ol gutpela lida.

Na noken vot wantaim kros pasin long kandidate, Turapa itok.

Turapa itok, vot bilong yu bai igat pawa na strong long

kirapim gutpela sindaun bilong pikinini bilong yu bihain taim. Em i askim ol pipel long votim ol kandidate husat long sistem bilong Gavman long kisim sevis igo long ol ples long senisim sindaun bilong ol pipel.

Turapa i singaut i go long ol kandidate long noken resis na noken kempein long stretim ol wok long rot, bris na skul bikos ol dispela emsamting i stap pinis long mani plen bilong gavman. Moa Moa yet, em i les long ol kandidate i kam kempen long ples bilong em.

Is Nu Briten i skruim wok redi bilong 2012 nesenel ileksen

MASKI mani bilong karimaut wok redi bilong ileksen i no kam yet, wok redi ong 2012, Is Nu Briten i go het.

Bosman bilong Ilektoel Komisen long Is Nu Briten, Terence Hetinu, i tok taim i sot na ileksen i kam klostu, ol i wok hat long stretim ol Komon Rol bilong 4-pela open Ilek-

toret long Kokopo, Rabaul, Pomio na Gesel.

Hetinu i tok wok bilong kisim nem ol manmeri i go insait long komon rol i pinis, nupela i wok long karimaut awenes i go insait long sampela busples long Pomio, Baining na ol ailan long skulim ol manmeri long makim gutpela lida husat

bai kisim sevis i go long ol.

Em i tok, wok bilong stretim nem long ol Komon Rol em, mipela ol i bihainim stret taim Ilektoel Komisen i makim long en.

Hetinu i tok, bikpela namba bilong manmeri i putim nem long vot i kam long Gesel, Pomio, Kokopo na Rabaul.

Awenes kempen ol i karimaut long ol vota bai givim save long rot bilong bihainim Limited Preferens Voting Sistem, Hetinu itok.

Em i tok, wok redi bilong ileksen i go , tasol mani i sot long karimaut moa awenes i go aut long ol manmeri i stap long bikples.

Kokopo LLG bai stopim strit maket

Michael Novingu i raitim

KOKOPO Eben Lokel Level Gavman (LLG) bai karim awenes long stopim ol lain i save salim ol samting long strit bilong Kokopo.

Pasin bilong salim ol samting olsem marasin, buai na arapela samting long strit i go antap long

Kokopo na ol narapela hap long ENBIs Nu Briten provins we i brukim treding long LLG.

Bosman bilong Kokopo Eben LLG, Pennie Maroro, i salim ol samting long strit i brukim treding loa bilong LLG.

Em i tok, Kokopo LLG bai kisim ol yet i stap klostu

long Kokopo long stopim ol lain long salim samting long strit.

Maroro i tok ol bai karimaut awenes long dispela mun long tok save long ol lain i save salim samting olsem, sapos ol i holim ol, ol bai givim ol mekim save.

Em i tok sapos ol i kisim ol samting bilong ol na ol i

laikim bek, ol bai peim pastaim long LLG opis na kisim bek maski, ol Taun Atoriti na polis i bin karimaut awenes long stopim pasin bilong salim ol samting long strit.

Tasol strit sels i go antap long Kokopo na ol narapela hap bilong Is Nu Briten Provins, Maroro i tok.



Ramu NiCo welkam long ol gutpela tingting bilong envairomen

RAMU NiCo, delopla o kampani we i go pas long wokim kamap bikipela bilien Kina nikel/kobalt projek insait long Madang provins i welkam tasol long ol gutpela tingting na aidia i kam long ol stekholdas long sait bilong lukautim gut na banisim birua long kamap long bus, graun, wara na solwara bilong yumi.

Sif Teknikol Dairekta bilong Ramu NiCo, Dokta James Wang i tokaut long dispela long las wik Trinde insait long 2012 Nambawan Kwatali Riviu Miting bilong Ramu Projek we i kamap long Madang.

Dokta James i tok long nau yet Ramu NiCo i redi long lod komisining, olsem na em i tok dispela kwatali miting wantaim ol stekholdas em bikipela samting tru.

Kwatali Riviu Miting we em wanpela samting ol delopla olsem Ramu NiCo i mas mekim long tokaut na soim ol ripot bilong en long ol stekholda bilong en em Mineral Risos Atoriti (MRA) i ogenaisim.

Dispela kwatali riviu miting long las wik i ron wanpela wik olgeta na i lukim ol wan wan dipatmen bilong Ramu NiCo i givim ripot bilong ol i go long ol stekholda. Long Trinde, Dokta James Wang i givim ripot bilong en we i toktok long sait bilong envairomen o ripot bilong bus, graun, wara na solwara.

Ol lain stekholdas husat i bin stap long harim Dokta James i givim ripot bilong em em ol lain lenona asosesen siaman na ol eksekutiv, ol lain lenona kampani na tu ol lain husat i makim ol nesanel gavman dipatmen na provinsal gavman.

Ol lain LOA husat i makim 4-pela projek impekt eria bilong Ramu Nikel Projek em Kurumbukari LOA (KBK), Maigari LOA, Wass-Matau (Kostal Paipain) na Basamuk LOA.

Wanpela sinia teknikol ofisa bilong Dipatmen ov Envairomen na Konsevesen, Goro Arigae i bin stap olsem siaman bilong

miting long Trinde we i toktok long sait bilong envairomen o bus, graun, wara na solwara.

Mista Arigae, i statim toktok i go long ol stekholdas i salim tok amamas bilong Seketeri bilong Envairomen na Konsevesen, Dokta Wari lamo, we em i toktok win long Suprim Kot we i stap long sait bilong Stet, DEC na delopla, Ramu NiCo.

Em i tok klia tu long wanem posisen bilong Ramu NiCo long sait bilong kondisinal pemit o tok-orait long mekim wok we DEC i givim tok-orait long en.

Dokta James Wang i givim planti ol gutpela toktok long sait long envairomen we i karamapim Operesen Envairomental Monitoring Program (OEMP) olsem progresiv riabilitesen, wara kwaliti sampling, sediment simpling, menesmen bilong ol pipia we i kamaut long main eria, na wok painimaut long ol pis na ol narapela animol insait long wara na tu lukluk long ol bus na ol narapela samting arere long wara insait long wanpela stadi we i bin kamap long yia 2011.

Dokta James Wang i tokaut klia tu olsem monitoring program bilong 2012 i karamapim kwaliti bilong win, das na nois, Dip Si Teilings Plesmen (DSTP), menesmen bilong ol pipia i go aut long main, akuatik fauna sevei o wok-painimaut i go insait long ol bus na ol samting olsem flaua na diwai bilong bus na ol samting i stap insait long en na tu 20-pela sab-plen bilong kondisen bilong givim tok-orait long OEMP.

Em i tok klia tu long sampel samting i go long ol stekholda long akuatik baiolojikol sevei we wanpela kampani bilong Australia nem bilong en Hydrobiological i kamap insait long 8-pela eria long apa-eria bilong Ramu Riva. Bikipela as tingting bilong dispela sevei em long kisim ol fis na ol narapela samting insait long Ramu Riva

olsem ol kindam na ol narapela samting na lukluk moa long ol namba bilong ol na tu mekim tes long ol wanem samting ol i kaikai na sapos i gat ain na metal i stap insait long bodi bilong ol.

Wanpela gutpela toktok o stori we i opim ai bilong planti ol lain stekholda em olsem ol fis we ol i bringim long autsait o ovasis i kam long Ramu Riva system i lukim namba bilong ol i go antap. Ol dispela fis i wok long bagarapim namba bilong ol fis we i save stap pastaim na tu ol bus na samting we i stap bipo.

Dokta James i toktok tu long sait bilong sedimentesen stadi we Helt, Sefti na Envairomen (HSE) Dipatmen bilong Ramu NiCo i bin kamap long mun Disemba long las yia long 4-pela eria long Basamuk long Raikos distrik long Madang provins.

Ol lain stekholda i bin givim ol bekim bilong ol long wanem samting ol i lukim i kamap long bus, graun na wara long ol Projek Impekt eria long KBK, Maigari eria, Kostal Paipain na Basamuk eria.

Presiden bilong Bundi Lokal Level Gavman kausil, John Yama i tok olsem moa konsaltesen o toktok i go kam i mas kamap namel long delopla Ramu NiCo wantaim ol lain stekholda oltaim.

Presiden bilong Saidor LLG, i askim tu olsem long bihain taim delopla olsem Ramu NiCo i mas oltaim tanim ol teknikol infomesen long sait bilong envairomen o wok bilong lukautim bus, graun, wara na solwara i go long Tok Pisin, bikos ol liklik lain manmeri long ples i mas save long ol dispela infomesen long gutpela bilong ol lain delopmen.

Dokta James Wang i tok olsem wanem ol toktok ol stekholda i mekim em Ramu NiCo bai i lukluk moa i go insait long en na wokim kamap gut long gutpela bilong projek, sindaun bilong ol komyuniti, Madang provins na PNG.



Dokta James Wang i givim toktok long 2012 Nambawan Kwatali Riviu Miting



Martin Paining i mekim toktok long ol wok Ramu NiCo i kamapim.



Kwatali Riviu miting long Madang i go het

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komyuniti'

RAMU NICO Ramu NiCo redi long givim

Insait long moa long tupela yia, Ramu NiCo i sanapim pinis mali bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta



Pipel soim laik long groim okid bilong salim

PIPEL long PNG i wok long gat intres obikpela laik long groim ol flawa olsem okid, long salim na kisim mani long en.

Glasim long dispela kain liklik bisnis i bin kamap long ples klia taim PNG Okid Sosaiti Is Nu Briten han i bin holim namba 2 Okid So long Vunapope long Kokopo, Is Nu Briten provins long las wiken Sarere.

So i bin kamap long Vu-

napope Hol na i pulim planti pipel tru i go lukim na baim ol naispela okid plawa.

Is Nu Briten han bilong PNG Okid Sosaiti i bin patna wantaim PNG Gadena Justin Tkatchenko long kamapim so we i bin ron gut stret.

Ol ripot i tok ol asples lain i bin baim ol okid na klostu ol bin pinisim olgeta ol okid ol bin putim long salim.

Ripot i tok moa olsem brens komiti i laik lukautim ol spesel okid we i nogat plant ii stap long en, na em bai strongim moa asples pipel long groim ol dispel okid.

Ripot i tok tu olsem em laik kamapim wanpela okid fam klostu long museum long Kokopo na tu, bildim wanpela eria klostu long museum long putim ol bikpela henkraf, kaving na waitaip.

Amamas long ol PNG prut piking program lain

BIKPELA tok amamas i go long ol lain manmeri bilong PNG husat i bin go wok long ol prut fam long Kwinslen, Australia.

Twelvpela (12) yangpela man na meri bilong PNG i bin go wok long Mundubbera sitrus prut fam long Kwinslen (Queensland) long kisim ol prut long ol diwai na bungim ol olsem ol boslain bilong ol i laikim long en, na bihain long 5-pela mun, ol bin kam bek long kantri long dispela wik.

Bosmeri bilong Iron Benk Sitrus, Susan Jenkins, i amamas stret long wok bilong 7-pela lain PNG i bin pikim ol prut long sitrus fam bilong ol i bin tok em i laikim moa PNG lain i go wok long fam bilong em bikos ol i gutpela wok manmeri tru husat i mekim ol kwaliti wok.

Long ol ripot, Mis Jenkins i tok ol gutpela gutpela PNG prut wok-lain i stap long wankain level wantaim ol top woklain bilong fam yet.

Namba wan lain long PNG i bin go insait long Pasifik Sisenel Wokas program long go wok long ol prut fam long Nu Saut Wels, Kwinslen na ol narapela stet long las yia Me.

Namba tu lain i bin go long mun Novemba taim namba wan grup i kam bek.

I kam inap nau, 70 PNG yangpela manmeri i wok pinis long prut piking program.

Kodineting opis bilong dispel program i tok Australia bai daunim pesenel takis long 25 pesen i go daun long 15 pesen.

Opis i tok dispela i gutpela long wanem, bai ol lain PNG i wok

long dispela program i ken kisim moa mani i kam bek long ol famili na hauslain bilong ol long PNG.

Opis i tok taim em i amamas long gutpela wok ol lain bilong PNG husat i go insait long program i wokim, ol manmeri i mas lukaut long ol konman i tok olsem ol i ejen we ol lain i laik go insait long program i ken wokim ol peimen long ol i stretim ol paspot, visa na rot bilong ol i go long Australia.

Opis i tok ol i kamapim dispela program long helpim ol pipel long ol ruel eria long daunim turangu pasin na lainim, lukim na ekspiensim ol nupela laipstail, kisim save long ol nupela wok, na sampela bilong ol i ken statim ol liklik bisnis bilong ol long ples.

Madang Provinsel Gavman gat LLG Plen

MADANG Provinsel Gavman i kamapim Kaunsil Wot na Lokol Level Gavman (LLG) Plen long halivim lokol komyuniti long kisim gutpela gavman sevis.

Gavman bilong Australia i sapotim dispela plen aninit long Strongim Pipol (Strongim Nesen) (SPSN) program bilong AusAID, we em i givim K1.5 milian gren mani long Madang Provinsel Gavman long kamapim dispela plen.

Dispela patnasip i lukim sapot bilong ol namba wan gavman ejensi olsem Dipatmen bilong Provinsel na Lokol Level Gavman Afeas, Opis bilong Ruel Developmen, na Dipatmen bilong Nesenel Plening.

Gavman Hetkwata, we Provinsel Edministreta Bernard Lange, Sekreteri bilong Dipatmen bilong Provinsel na Lokol Level Gavman Afeas, Russell Ikosi, Dairekta Implementesen, Badira Vira bilong Dipatmen bilong Implemetesen na Ruel Developmen, AusAID Govenans Kaunsela, Robert Brink na SPSN Program Dairekta Jeremy Syme i bin go lukim.

Nau ispela plen bai kamapim olgeta hap bilong Madang Provins na AusAID i bin sapotim pas-tim long yia 2008 long Bogia Distrikt.

Dispela i mekim Madang namba wan provins long klantri long to karimaut ol plen bilong kirapim kausil wot bihain long ol i bin testim dispela plen long Bogia.

Dispela plen i bihainim Kopenet Plen bilong Madang Provinsel Gavman na Vision 2020.

Kaunsilwok plen em i wanpela gutpela samting bilong painimut ol samting long kirapim long wan-wan kaunsil wot, na larim ol manmeri long komyuniti level ol yet i wokbung wantaim i go antap long provinsel level long kirapim ples bilong ol yet.

Taim ol i lonsim dispela plen, AusAID Govenans Kaunsela, Robert Brink i tok 'dispela de em i makim narapela gutpela de bilong Australia na PNG long wokbung yumi mekim long kirapim kantri bilong yumi. Aninit long Strongim Pipol Strongim Nesen, AusAID i namba wan taim sapotim dispela plen long olgeta hap bilong provins.'



NU SILAN STAIL! Ol lain man bilong Nu Silan I wokim mumu long stail bilong ol yet na nau, em I kuk pinis na ol I autim ol karamap I stap. **Poto: Fail Poto**

Port Moresby - Brisbane

Niupla ron blong balus long Tunde

Stat long 27 Mas 2012, balus blong Airlines PNG bai iron faivpla dei namel long Port Moresby na Brisbane.

• Mande • **TUNDE** • Trinde • Fonde • Fraide

Bai yu gat:

- moa ron blong balus olgeta wik - **Niupla TUNDE SEVIS**
- moa koneksen long Australia na PNG
- moa Velositi Frikuen Flaia poin
- moa rum blong leg, top sevis insait long balus na ol niupela muvi
- moa kago - 32kg
- moa ples long go long Australia na New Zealand taim yu usim "City Connect" balus prais

Ringim 16111 o yu ken luluk long www.apng.com

Airlines PNG

COME FLY OUR WAY

- PORT MORESBY - Level 1, Pacific Place, 321 3400
- MT. HAGEN - Central Highlands Printers, 542 0662
- Kagamuga Airport, 542 2732
- LAE - Micro Bank Haus, Fifth Street, 479 5980
- POPONDETTA - Top Town (opp. Memorial Park), 629 7638
- ALOTAU - Preston White Street, 641 1288
- GOROKA - Airport, 532 2532
- TABUBIL - Airport, 649 9171
- KIUNGA - Airport, 649 1125
- MADANG - Global Travel, 422 0011
- KIMBE - Travel Line Limited, 717 42306
- RABAU - Rabaul Hotel, 982 1999




SIOT: Syd Yates bilong PNGSFOC, i traim wanpela nupela Trukai Fun Run siot we ol bai salim long ol manmeri dispela yia. **POTO:** Andrew Molen.



PAIT: Jimmy Andrew bilong NCD i tromoi lek long birua bilong em long wanpela pait bilong ol long Nesenel Kikboksing sempionsip we i kamap long Mosbi las wik Sarere long Mosbi. **POTO:** Andrew Molen.



KALAP: Ol sumatin bilong Pot Mosbi Intanesenel skul i pilai wanpela gem insait long wanpela ragbi union trening program bilong ol long Febuari, dispela yia.



NOGAT ROT: Raymond Gunemba bilong Hekari United i traim hat long pasim Andrew Marampau bilong Eastern Stars long noken kisim bal long NSL raun 19 gem bilong ol long Mosbi long Sarere las wik. **POTO:** Andrew Molen.



BIKNEM: James Segeyaro (rait han) na Ray Thomson i sainim nem bilong ol taim ol i bungim ol sumatin bilong Tabubil intanesenel skul long Tabubil long Febuari, dispela yia.

Paik bilong lek

TAEKWONDO A taekwondo player attempts to hit an opponent's strike zone with a kick.

DURATION
3 rounds of 2mins each.

EQUIPMENT

- Helmet
- Protective vest
- Arm guard
- Groin guard
- Shin guards
Guards fitted under the suit

COMBAT AREA
Contest area is defined by the outer edge of the blue mat

4x Judges, 1 each corner

Referee

Coach

Starting positions

10m

10m

TECHNIQUES

- Roundhouse, flying kick
- Axe kick, heel drops to the head
- Skip kick, kicking leg swapped mid air
- Lottery kick, spinning hook

SPOT BILONG PAIT: Pilai graun na sampela stail bilong ol taekwondo pilai.

SCORING
Points are scored for an effective attack (made with front of fist or foot below ankle)

- One point is scored for an effective attack to the trunk of the body
- Two points are scored for an effective attack to the face
- One extra point is scored for a knockdown

PENALTIES

- Kyong-go** (-1 point for two warnings) Grabbing, holding, pushing, attacking with the knee or below the waist, turning the back to the opponent, faking injury
- Gam-jeom** (-1 point) Intentionally attacking the opponent's back or face with the hand, throwing opponent

Bodyweight divisions
Men: -58, 58-68, 68-80, +80kg
Women: -49, 49-57, 57-67, +67 kg

Head protector

Trunk protector

Belt

Dobok White trousers and jacket

Korea's Moon Dae Sung (2004 gold medalist)

YUNIFOM: Klos, yuni-fom, ol poin na loa bilong Taekwondo spot.



MERI NOGUT: Tona wanpela tasol bai makim PNG long Taekwondo dispela yia long Olimpik Gems. WANTOK POTO.

Gem Bilong Yu

Wantaim

ANDREW MOLEN

TAEKWONDO em i narapela masol ats we i kamap wanpela bikipela spots insait long wol.

Em i wanpela masol ats we i kam aut long Korea na nau i stap olsem wanpela bikipela spot insait long Olimpik Gems. Nem "Taekwondo" long tokples Korea i min olsem we o rot bilong yusim han na lek. Dispela astingting i stap insait long stail bilong ol taekwondo paitman, we i lukim ol i save gut tru long tromoi ol kain kain kik na han tu. Stail bilong ol i bai lukluk narapela kain liklik long stail bilong ol arapela masol ats olsem Kung Fu na Karate tasol astingting bilong olgeta i wankain. Taekwondo i save lukluk long spit bilong lek na han bilong ol taim ol i trening o pait. Dispela astingting tu i go insait long gem bilong ol we bai yu lukim ol pilai i kalap i go kam hariap na traim long kikim birua bilong ol hariap tru na kisim poin bipo long em i bekim. Em i wok long kamap olsem wanpela bikipela masol ats gem insait long wol na ol lain husat i save stap insait long en tu i save gat gutpela spit na strong long stap longpela taim insait long pait bilong wanem nupela pilai i ken sotwin tru bihain long em i tromoi planti kik

olsem ol dispela pilai.

Histri bilong gem

Taekwondo tru i stat long 1950's na 60's long ol ami bilong Korea husat i save lainim long save long lukautim ol yet. Ol arapela manmeri long ol skul, ples, komyuniti na ol yuniveisit tu i lainim dispela stail bilong pait olsem wanpela rot bilong lukautim ol yet na tu long stap gut. Bihain long dispela Taekwondo spots i kamap, em i stat long pinis bilong 1950's na i wok long kamap bikipela isi isi inap long nau. Taekwondo spots i no wankain tumas olsem taekwondo tru. Taekwondo spots i save lukluk tasol long ol stail bilong pait insait long ol gem bilong ol. Ol pilai i save trening strong long spit bilong ol na lainim tasol long traim na kisim ol poin hariap. Taekwondo tru i save skulim ol manmeri long astingting tru bilong masol ats na tu lainim ol long lukautim ol yet ma pait long taim nogut na i no long pait insait long ring o pilai graun tasol. Tasol, planti samting i wankain yet olsem ol yunifom, tokples, stail bilong wokabaut na tromoi han o lek na arapela. Astingting bilong spots taekwondo tasol em long kisim poin na skoa long win na taekwondo true m long lukautim yu yet na ol arapela long taim nogut na kamap wanpela gutpela paitman o meri tu.

Stail bilong gem

Insait long spots taekwondo, i gat wanpela rot

tasol bilong kisim poin agensim birua bilong yu. Dispela em long kikim ol paitim em long han bilong yu. I gat ol arapela rot tu i stap long kisim poin we i ken kam long ol jas na refri we ol yet i lukim na skelim. I gat tupela pilai bai stap insait long wanpela pait. Wanpela bai gat ret mak long yunifom bilong em na narapela bai gat blu mak. Wanwan pilai bai werim karamap long bodi, het, maus, han na lek bilong em bipo long pait. Long taim bilong pait, olgeta kik bilong ol i noken go aninit long mak bilong belt. Dispela i min olsem yu noken kikim lek, sangana na arapela hap bilong bodi bilong em i stap daunblo olsem. Yu ken kikim bros, han, bodi het na ol arapela hap long bodi bilong em we i stap antap olsem. Poin bai kam long ol gutpela na strongpela kik we ol jas i lukim i stret na i bihainim ol loa bilong pait.

Taekwondo long PNG

Taekwondo long Papua Niugini gat tupela mama asosiesen, wanpela em PNG Taekwondo Federation (PNGTF) na narapela em PNG Taekwondo Union (PNGTU). Tasol mama spots ogenaiesen bilong PNG ol i kolim PNG Sports Federation and Olympic Committee (PNGSFOC) i luksavel tasol long PNGTF long makim kantri long ol bikipela tonamen ovasis.

Sampela ol bipo biknem paitman bilong Taekwondo em Jamuga Stone, Edward Kassman, Sam Basil (nau memba bilong Palamen), Gabbie Yura, Stanley Nandex na Samantha Kassman. Dispela ol lain i go bikipela nau na i no pilai moa tasol ol i go pas long sampela ol trening na wok we i kamapim sampela ol nupela yangpela pilai husat i kisim ples bilong ol long makim Papua Niugini. Sampela long dispela ol lain em Anton Aitsi, Ivan Kassman, Nelson na Andrew Stone na Theresa Tona. Tona em i wanpela Taekwondo pilai tasol husat i kwalifai pinis long makim PNG long Olimpik Gems dispela yia long London long divisen bilong ol meri na em i wok long trening i stap. I gat planti moa gutpela ol yangpela Taekwondo pilai na paitmanmeri bilong PNG stap tasol em i no isi long lainim dispela kain samting. Yu mas givim bikipela taim na tingting bilong yu long trening na tu stap insait long planti ol gutpela pait long kantri na tu long ovasis long kisim inap save na ekspirians long kamap gutpela tru. Ples bilong trening na kos bilong baim rejistresen, yunifom na ol arapela samting tu long lainim kain masol ats na bikipela spot em i narapela samting we planti save painim hat sampela taim. Tasol i gat ol progrem na rot i stap wantaim wanwan ol masol ats skul we i ken helpim yu long daunim dispela ol hevi na lainim o save gut long dispela kain spot.

SPOTS DRO RAUN 3 16-19 MAS 2012

FRAIDE GEMS

TBA 7:30 pm



Dragons **V^s** W/Tigers



Ausgrid Stadium 7:30 pm

Knights **V^s** Broncos



SARADE GEMS

Skilled Park 4.30 pm



Titans **V^s** Storm



Dairy Farmers Stadium 7:30 pm

Cowboys **V^s** Eels



SANDE GEMS

Mt Smart Stadium- 2.00 pm



Warriors **V^s** Bulldogs



SFS Stadium - 3.00 pm

Roosters **V^s** Raiders



Centrebet Stadium 7:00 pm

Panthers **V^s** Rabbitohs



MANDE GEM

Toyota Stadium - 7pm



Sharks **V^s** Sea Eagles



Ol tim bilong Bennett i no save tep

SAPOS yu save bihainim gut ol NRL gem, bai yu lukim olsem ol tim bilong Wayne Bennett i no save kisim tep taim refri gvim ol penolti klostu long trai lain bilong narapela tim.

Planti taim ol i save kik long gol long kisim tupela poin.

Bennett i tokaut long as tru long wanem na em i save tokim ol tim bilong em i mekim dispela.

"Taim bilong tep na traim long putim trai em i go pinis," Bennett i tok.

"Nau i nogat moa taim bilong kwik tep, ol refri bai no inap lusim yu tep hariap bi-

long wanem narapela tim i mas go sanap 10 mita longwe long yu pastaim.

"Long wankain taim, tupela kepten bilong ol tim bai ron i kam long toktok wantaim refri na giaman long stopim gem na givim taim long tim bilong ol - dispela bai stopim gem olgeta na em bai no inap isi long yu long skoa," Bennett i tok.

"Sapos yu go pas na i laik long kisim moa poin orait yu ken tep na traim long skoa tasol sapos yu stap long baksait, em gutpela long yu kik long gol bilong wanem em i gutpela long yu kisim tupela poin," em i tok.

Planti taim ol manmeri na ol sapota i no save wanbel long lukim ol tim bilong Bennett i kik long gol taim ol i kam wantaim gutpela spit na strong na i luk olsem ol bai nap long putim trai isi tasol.

Bennett i bililp olsem wok bilong ol refri na gutpela tingting bilong ol kepten i mekim na sans bilong tep hariap na traim long putim trai long dispela kain taim em i no isi olsem long bipo.

Em i tok planti taim save i stap wantaim ol pilaia long wanem samting ol i laik mekim tasol em yet bai no inap long kisim kwik tep.



TU POIN: Bennett i no laik bai ol tim bilong em i tep.

Knights lusim kepten bilong ol 4-pela wik

OL Newcastle Knights bai no inap pilai wantaim kepten bilong ol, Kurt Gidley inap 4-pela wik olgeta.

Dispela em bihain long em i kisim bagarap long sholda bilong em long raun tu gem bilong ol agensim Cronulla Sharks 18-6 las wik Sande.

Ol i bin wari olsem nogut em bai no inap pilai gen dispela yia tasol Gidley tokaut olsem em i pilim orait na ol wok painim aut i tok em i ken kam bek bihain long 4-pela wik nabaut.



BAGRAP: Gidley bai no inap pilai 4-pela wik.

Kosa painim ples bilong Inglis

KOSA bilong South Sydney, Michael Maguire, i laik painim wanpela ples isnait long tim we Greg Inglis i ken paia gut long en.

Nau yet em i stap long senta tasol ol i no kisim gutpela sevis i kam long em long tupela raun bilong NRL we i go pinis.

Maguire i tingting long putim em i go long faiv eit o fulbek we em i bin stap long taim em i kam nupela yet na i bin pilai wantaim Melbourne Storm.

"Nau yet bai mipela i no inap rausim em i go pilai long narapela posisen tasol em i wanpela samting mipela bai lukluk long en na mekim sapos i gat as long mekim," Maguire i tok.

"Mi wok long lukluk long planti samting yet na mi wok long lainim planti nupela samting long wanwan pilaia tu long wanwan gem mipela i pilaim," em i tok.

Maguire i tok em i luk-save long gem bilong ol nau bihain long ol i lusim namba tu gem bilong ol long las wik na em bai redi long mekim senis long tim sapos em i lukim i gat as long mekim.

"Sapos i gat as long mi long putim Inglis i go pilai long narapela posisen tu, bai mi mekim," em i tok.



NO NAP: John Sutton bilong Souths i traim long denim Sika Manu bilong Storm long raun tu gem bilong ol las wik.

Hayne i orait

JARRYD Hayne i kisim bagarap long lek skru bilong em na ol i karim em i go aut-sait long pilai graun long Mande nait tasol em i tok em i orait.

Ol Eels i lusim dispela agensim Warriors 36-20 tasol ol i no inap lusim Hayne long wanpela bikpela bagarap.

Hayne i tok lek bilong em i orait tasol em i no save tasol long wanem taim em bai orait long pilai gen.

Em i no bin pilai long raun wan bilong wanem em i bin

bagarap dispela sem lek skru bilong em long wanpela traili gem bilong ol agensim Penrith long pri sisen.

Hayne i pilai raun tu gem bilong em inap 16 minit tasol bipo long ol i karim em i go aut gen.

Em i kisim bagarap taim em i painim spes na i ron spit i go tasol pudaun nating bilong wanem lek bilong em i no strong yet.

Dokta i tokim em olsem lek i orait tasol i no strong yet long ron spit olsem yet.



EM I ORAIT: Hayne i tok lek bilong em i orait.

Lions em nupela tim bilong Simbu

SIMBU i gat nupela tim long karim nem bilong ol insait long Digicel kap resis.

Dispela tim nau em TNA Lions na i kisim ples bilong Warriors husat i makim provins longpela taim tru.

Nem bilong na spona bilong tim i senis na planti ol pilaia tu i nupela.

Sampela em ol nupela pilaia na sampela i kam long ol arapela Digicel kap tim.

Ol i makim 36 pilaia long trening skwat bilong ol dispela yia husat bai stap insait long ol trail gem long traime na winim spes insait long

Digicel kap resis.

Bosman bilong TNA Lions, Gerard Philip, i tok dispela ol pilaia bai stap insait long strongpela trening long na pilai long traime na winim spes insait long tim.

Ol bai pilai wanpela trail gem wantaim Snax Tigers long Lae long Mas 25 na narapela gem wantaim Lahanis long Goroka long Epril 1.

Gerard it ok olgeta pilaia long tim i kam long TNA kap ol sisen resis long hap yet.

Em i tok tu olsem i gat planti moa gutpela pilaia i

stap insait long provins olsem na ol pilaia i mas wokhat long stap insait long tim.

“Olgeta pilaia i mas soim gutpela pasin bilong harim na stap isi bilong ol yangpela long bihainim.

“Dispela pasin i mass tap ples klia long ol insait na autsait long pilai graun wantaim,” Gerard i tok.

“Ol Lions i no laik bihainim ol arapela tasol mipela i laik go pas.

“Lions i laik soim nupela rot bilong ragbi lig insait long Simbu,” em i tok.

Ista Kap kam bek gen

LAE Bisket Lae Ragbi Lig bai lukluk long wanpela bikpela resis long dispela Ista wiken wantaim bikpela prais mani, we i kamap long spona bilong en.

Dispela pilai bai kam bek bihain long longpela taim malolo.

Spona i redim pinis K15, 000 long dispela pilai we bai kamap long 4-pela wiken.

Dispela mani pundaun baksait long mama mani bilong sponsasip, we Lae Bisket i givim pastaim inap long K50, 000.

Siaman bilong dispela Ista Kap Salens na namba tu Presiden bilong Lae ragbi lig (LRL), Hove Genderiso, i tok dispela pilai bai wanpela bikpela insait long kalenda bilong ol, bihain long Digicel Kap bilong dispela yia na ol bai traime long kisim ol narapela tim insait long Noten Zon.

Tasol, em i tok long pilai insait long dispela resis, ol i mas kamap wantaim sampela kondisen pastaim.

“Mipela bai givim aut invetesen long ol tim bilong narapela hap insait long Noten Zon tasol ol i mas kamap wantaim kondisen o askim we mipela bai putim.

Dispela pilai gat luksave bilong mama bodi bilong ragbi lig na ol i no inap kisim ol tim nating nating,” Genderiso i bin tok.

Dispela pilai bai kamap long Gut Fraide na pinis long Ista Mandé wantaim fainols na ol presentesen bilong ol prais.

Pinis mak bilong stretim dispela ol samting em long Mas 16 na i no bihain long dispela de we ol i makim.

Siaman Genderiso i tok sapos ol klab bilong rijen i laik rejista, ol i mas peim K750 olsem rejistresen fi, ol-

geta pilaia i mas rejista insait long Papua Niugini Ragbi Futbal Lig (PNGRFL) na dispela klab i mas kam long wanpela lokol lig.

Dispela em ol kondisen o askim bilong LRL long ol tim husat i laik stap insait long dispela resis.

Rejistresen fi em ol i mas putim i go insait long akaun bilong LRL long Lae ANZ Benk long akaun namba 12427621, na bihain kisim risit i kam.

Em i tok dispela toksave i go tu long ol 11-pela lokol klab bilong LRL tu.

Ol tim husat i tingting long pilai insait long dispela resis i mas toksave long siaman bilong dispela pilai long pon namba 7219 7281 o tonamen dairekta, Leo Kataro long 7234 5998 na tupela Teknikol opisa, Martin Surab (7280 8593) na David Atua (7122 5252).

Nandex redi long muvi

STANLEY Nandex i redi tasol long soim stail bilong em gen long Papua Niugini na long wol.

Bipo em i save mekim dispela olsem wanpela sempion spotsman tasol nau em bai mekim olsem wanpela ekta insait long muvi.

Nandex bai wokbung wantaim sampela ol biknem manmeri bilong muvi olsem Don Wilson, Cynthia Rothrock na Michael Jai White.

Rothrock na Wilson i kamap pinis long las wik we

White i gat nem long ol kain muvi olsem Undisputed II, Spawn na Blood and Bone, Rothrock i mekim nem bilong em long muvi, China O'Brian, na

planti arapela.

Wilson i gat planti arapela muvi tu na i tok amamas long wokbung wantaim Nandex long dispela nupela muvi long PNG.

Dispela tripela ekta tu i gat nem long masol ats na i amamas long save long Nandex husat tu i bin wanpela wol sempion long kikboksing bipo.

Wilson na Rothrock i kam long Mosbi las wik we ol i lonsim dispela muvi projek long Gateway Hotel.

Ol bai go bek long Amerika long redim ol samting na bihain kam bek long PNG long statim wok long dispela muvi.

Presiden bilong Gorilla Pictures, Bill J. Gottlieb, i tok wok long dispela muvi

bai stat long pinis bilong Epril o Me dispela yia na muvi bai kamaut long Disemba.

Gorilla Pictures em i wanpela bikpela muvi kampani tu we i kamapim planti bikpela muvi long wol pinis.

Wilson na Rothrock i bin kamap tu long Nesanel Kikboksing sempionsip long Mosbi las wik Sarere we ol i lukim na bung wantaim ol PNG kikboksia na sapota.

Astingting long dispela muvi em long promotim PNG olsem wanpela gutpela ples we kain ol bikpela projek i ken kamap na tu long soim ol spotsmanmeri olsem ol i ken go moa yet long gem bilong ol na long ol arapela samting tu sapos ol i wok hat olgeta taim.



TROMOI LEK: Wilson na Rothrock i soim stail long Se John Guise stadium long Mosbi las wik Sarere taim ol i kamap long lukim kikboksing nesanel sempionsip long hap.
POTO: Andrew Molen.

Bung wantaim Webb

. BIPO Queensland na Kangaroo fowet, Carl Webb bai bung wantaim ol spona na ol arapela manmeri husat i kamap long Royal Papua Yacht Klap long baim ol Trukai Fan Ran siot bilong 2012.

Dispela bung bai kamap long Mas 29 we PNG Sports Federation and Olympic Committee (PNGSFOC) wantaim sapot bilong Trukai

Industries bai traime long salim ol siot i go long ol wanwan spona.

Mani long dispela wok bai go long helpim na salim PNG tim i go long Olimpik Gems long London long Julai dispela yia.

Trukai tokaut long nupela siot bilong 2012 Fun Run long las wik.

Dispela siot i gat nek o kola bilong en na i no raun

nating olsem long bipo.

Bihain long ol spona i baim ol dispela siot, ol bai givim i go long wanwan ol skul.

Mani ol skul i kisim long salim dispela ol siot, em bilong ol tasol piksa na mak bilong ol spona bai stap antap long dispela siot.

Trukai Fun Run bilong dispela yia bai kamap long Sande Julai 8.



BILAS: Mel Donald (lephan) na Syd Yates bilong PNGSFOC na Pamela Penrose bilong Trukai soim nupela siot

Farina gat bilip...

i kam long bek pes..

NESENEL Kosa bilong Papua Niugini soka tim, Frank Farina i gat bilip olsem ol inap long winim tok orait long go pilai insait long Olimpik Gems.

Em i wokhat wantaim nesanel tim we i go klostu long semi fainol long Pasifik Gems long 2011 tasol Tahiti abrusim ol long pions tasol.

Nau em i wokhat gen long kisim ol nupela yangpela anda 23 pilaia i go long wankain intanesenel level wantaim bikpela tingting long go moa yet.

PNG anda 23 tim husat i wok long traime long kwalifai long Olimpik Gems, i soim gutpela mak long tripela gem ol i pilai long Australia long namba wan hap bilong dispela yia.

Ol i dro long tupela gem na lusim wanpela agensim.

Namba wan dro bilong ol i kamap agensim Brisbane Strikers 2-2 las wik Sande,

ol i dro gen agensim Southport 2-2 long las wik Tunde na long Sarere, ol i lus long Gold Coast Knights 3-2.

Tim menesa, Stanley Khana, i tok astingting bilong ol dispela gem long helpim Farina long luksave na kisim ol gutpela pilaia bilong em husat i ken pilai strong insait long ol bikpela gem.

Farina i laik painim ol gutpela pilaia long redim tim bilong em husat bai bungim Nu Silan long wik i kam.

“Mipela i gat ol gutpela pilaia olsem na Frank i laik makim wanpela strongpela tim bilong dispela gem,” Khana i tok.

Dispela gem agensim Nu Silan bai soim tru save na strong bilong PNG sapos ol bai nap long winim ples long pilai insait long Olimpik gems dispela yia.

Long wankain taim, meri nesanel soka tim bilong PNG tu i wok long redim ol

yet long tupela gem bilong ol tu wantaim Nu Silan.

Ol i kam bek long gutpela win bilong ol long Tonga las wik na nau i wok long redi long bungim Nu Silan.

Kepten bilong ol meri, Deslyn Siniu, i tok em i amamas long ol gem bilong ol long Tonga na tu long gutpela ekspirien ol i kisim long ol trail gem bilong ol long Australia.

“Dispela ol gem i helpim mipela gut tasol wok i no pinis yet na mipela bai wokhat nau long bungim Nu Silan,” em i tok.

Siniu i tok ol yangpela pilaia i wokbung gut wantaim ol arapela sinia pilaia na dispela i helpim gem bilong ol i ron gut tu.

“Nu Silan em i wanpela strongpela tim husat i gat planti ol gutpela pilaia husat i save stap na pilai long ovasis tasol mipela i bilip na redi tasol long pilai strong tru agensim ol,” em i tok.

NEW PREMIUM TUNA

DIANA

PROUDLY PNG MADE

DIANA Hot & Spice
DIANA Smoked Salmon
DIANA Tuna with Mayo
DIANA Barbecue Flavour

Farina gat bilip

Traim long go insait long Olimpiks

NESENEL Kosa bilong Papua Niugini soka tim, Frank Farina i gat bilip olsem ol inap long winim tok orait long go pilai insait long Olimpik Gems.

Em i wokhat wantaim nesanel tim we i go klostu long semi fainol long Pasifik Gems long 2011 tasol Tahiti abrusim ol long poms tasol.

Nau em i wokhat gen long kisim ol nupela yangpela anda 23 pilaia i go long wankain intanesenel level wantaim bikpela tingting long go moa yet.

PNG anda 23 tim husat i wok long traim long kwalifai long Olimpik Gems, i soim gutpela mak long tripela gem ol i pilai long Australia long namba wan hap bilong dispela yia.

Ol i dro long tupela gem na lusim wanpela agensim.

Namba wan dro bilong ol i kamap agensim Brisbane Strikers 2-2 las wik Sande, ol i dro gen

Moa long Pes 27.



TOKTOK: Farina i bilip long ol pilaia bilong em.

POTO: ANDREW MOLEN.

Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.

P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."